

摘藻堂四庫全書薈要

集部

欽定四庫全書薈要

集部

集千家註杜工部詩集卷十七



詳校官助教臣常循

欽定四庫全書薈要卷一萬三千六百八十八

集部

集千家註杜工部詩集卷十七

豎子至

大歷二年夏夔州作鶴曰
公時寓居夔州之瀼西

且綴碧梅杏半傳黃小子幽園至輕籠熟棹香山
風猶滿把野露及新嘗歌枕江湖客提攜日月長

洙曰
且一作

作纔歌枕

一作欲寄

槐葉冷淘

青青高槐葉采掇付中厨新麪來近市汁滓宛相俱入

鼎資過熟加餐愁欲無碧鮮俱照飭香飯兼苞蘆經齒
冷於雪勸人投比珠願隨金騾裹走置錦屠蘇路遠思
恐泥興深終不渝獻芹則小小薦藻明區區萬里露寒
殿開冰清玉壺君王納涼晚此味亦時須

夢弼曰苞蘆謂蘆笋也洙

曰金騾裹馬也修可曰屠蘇字或作屠麻王篇云屠麻庵也通俗文屋平曰屠麻廣韻云屠麻草庵又屠蘇酒蓋昔人居屠麻釀酒因名今詳是詩走置錦屠蘇正謂屋也古樂府插腰銅匕首障日錦屠蘇洙曰語致遠恐泥獻芹見嵇康絕交書薦藻出左傳

園

仲夏流多水清晨向小園碧溪搖艇閑朱果爛枝繁始
為江山靜終防市井喧畦蔬繞茅屋自足媚盤餐

趙曰
盤餐

字出
左傳

歸

東帶還騎馬東西却渡船林中纔有地峽外絕無天虛

白高人靜喧卑俗累牽他鄉閱遲暮不敢廢詩篇

洙曰
夢州

居山水間在峽中號為稍平莊子虛室生
白趙曰鮑明遠舞鶴賦歸人寰之喧卑

上後園山脚

朱夏熱所嬰清旦步北林小園背高岡挽葛上崎崙曠
望延駐目飄飄散疎襟潛鱗恨水壯去翼依雲深勿謂
地無疆劣於山有陰石楝遍天下水陸兼浮沈自我登
隴首十年經碧岑劒門來巫峽薄倚浩至今故園暗戎
馬骨肉失追尋時危無消息老去多歸心志士惜白日
久客藉黃金敢為蘇門嘯庶作梁父吟

天覺曰崎崙山貌洙曰山北曰

陰田曰唐韻楝音原木名或云善本止是石原字沈曰石楝其子如芎藭其皮可以禦饑時天下荒亂小民轉溝壑水陸並載石楝以充糧也趙曰古詩志士惜白日洙曰晉阮籍嘗於蘇門山遇孫登與商略終古及棲神

導氣之術登皆不應藉因長嘯
而退蜀志諸葛亮好為梁父吟

諸葛廟

久遊巴子國屢入武侯祠竹日斜虛寢溪風滿薄帷君
臣當共濟賢聖亦同時翊戴歸先主并吞更出師蟲蛇

穿畫壁巫覡醉蛛絲

描寫不盡雖無上句荒落可見

歛憶吟梁父躬耕

起未遲

夢弼曰國語在男曰覡在女曰巫覡研歷切趙曰張衡東京賦巫覡操蒱

舍弟觀歸藍田迎新婦送示二首

汝去迎妻子高秋念却迴即今螢已亂好與鴈同來東

望西江永南遊北戶開卜居期靜處會有故人杯

趙曰詩江

之永矣吳都賦開北戶以向日

楚塞難為路藍田莫滯留衣裳判白露鞍馬信清秋

春風

自信牙檣動凡再用所自得者

滿峽重江水開帆八月舟此時同一醉

應在仲宣樓

趙曰後漢末王粲字仲宣依劉表於荊州因登樓而作賦其後指荊州樓為仲宣樓

行官張望補稻畦水歸

東屯大江北百頃平若桉六月青稻多千畦碧泉亂插秧適云已引溜加溉灌更僕往方塘決渠當斷岍公私

各地著浸潤無天旱主守問家臣分明見溪畔芊芊烟
翠羽剌剌生銀漢鷗鳥鏡裏來關山雪邊看秋菰成黑
米精鑿傳白粲玉粒足晨炊紅鮮任霞散終然添旅食
作苦期壯觀遺穗及衆多我倉戒滋蔓

壯觀滋蔓。洙曰更僕以番次

更代使之也禮記乃留更僕劉公幹詩方塘含白水漢
食貨志理民之道地著為本注謂安土也著涉畧切夢
弼曰大夫之臣曰家臣家臣主守田野此即是指行官
而言也趙曰鏡裏雪邊皆言畦水之明潔也夢弼曰西
京雜記菰有米長安人謂之彫胡趙曰精鑿出左傳菰
食不鑿鑿音作謂治米使白晁曰傳合也謂以菰米合
白粲炊洙曰楊
惲傳田家作苦

返照

楚王宮北正黃昏白帝城西過雨痕返照入江翻石壁

歸雲擁樹失山村

字字著意

衰年肺病唯高枕絕塞愁時早

閉門不可久留豺虎亂南方實有未招魂

語不輕易感恨更多

灩澦

灩澦既沒孤根深西來水多愁太陰江天漠漠鳥雙去
風雨時時龍一吟舟人漁子歌回首估客胡商淚滿襟

寄語舟航惡年少休翻鹽井橫黃金

夢弼曰寰宇記灩澦堆冬來出二十

餘大夏水漲半沒鄭曰橫戶
孟切不以理也洙曰一作擲

季夏送鄉弟韶陪黃門從叔朝謁

鶴曰時杜鴻漸以黃門侍郎同

平章事鎮蜀既平

崔旰之難遂還朝

令弟尚為蒼水使

公自注韶北兼開江使通成都外江下峽舟船

名家莫出杜

陵人北來相國兼安蜀

太直致

歸赴朝廷已入秦捨舟策

馬論兵地拖玉腰金報主身莫度清秋吟蟋蟀

此吟蟋蟀亦過

然出於子美未必不為名言

早聞黃閣畫麒麟

趙曰吳越春秋禹傷父功不成乃巡衡山

血馬以祭仰天而嘯忽夢赤繡衣男子自稱玄夷蒼水使者謂禹曰欲得我山神書者齋焉禹乃退齋三日遂

獲金簡玉字之書言治水之要洙曰長安有南北杜最為名家趙曰漢武帝圖畫功臣於麒麟閣

夔州歌十絕句

中巴之東巴東山江水開闢流其間白帝高為三峽鎮

夔州險過百牢關

趙曰水經劉璋分三巴有中巴有巴西有巴東宋曰十道志梁州有百牢

關

白帝夔州各異城蜀江楚峽混殊名英雄割據非天意

霸王并吞在物情

夢弼曰王去聲

羣雄競起問前朝王者無外見今朝比訝漁陽結怨恨

元聽舜日舊蕭韶

趙曰明皇寵幸祿山卒以怨恨起兵於漁陽此句含蓄美中有刺蕭韶謂

霓裳

曲也

赤甲白鹽俱刺天
閭閻繚繞接山巔
楓林橘樹丹青合
複道重樓錦繡懸

灤東灤西一萬家
江北江南春冬花
背飛鶴子遺瓊蘂

相趁鳬雛入蔣牙

趙曰王粲白鶴賦食靈岳之瓊蘂夢弼曰唐韻蔣菰草也

東屯稻畦一百頃
北有澗水通青苗
晴浴狎鷗分處處

雨隨神女下朝朝

修可曰夔有平苗號青苗陂

蜀麻吳鹽自古通萬斛之舟行若風長年三老長歌裏

白晝攤錢高浪中

洙曰峽人謂操舟人為長年三老長上聲田曰後漢梁冀傳少好意錢之

戲注引何承天纂文曰詭億一曰射意一曰射數即攤錢也

憶昔咸陽都市合山水之圖張賣時巫峽曾經寶屏見

楚宮猶對碧峰疑

聞風玄圃與蓬壺中有高堂天下無借問夔州壓何處
峽門江腹擁城隅

武侯祠堂不可忘中有松柏叅天長干戈滿地客愁破

雲日如火炎天涼

惟此最得歌
體疎暢磊落

上卿翁請修武侯廟遺像缺落時崔卿權夔州

其因

權州即託以此
古人惟恐失之

大賢為政即多聞
刺史真符不必分
尚有西郊諸葛廟
臥龍無首出江濱

又上後園山脚

昔我遊山東憶戲東岳陽
窮秋立日觀矯首望八荒
朱崖著毫髮碧海吹衣裳
蓐收困用事玄冥蔚強梁
逝水

自朝宗鎮石各其方平原獨憔悴農力廢耕桑非闕風
露凋曾是戍役傷於時國用富足以守邊疆朝廷任猛
將遠奪戎虜場到今事反覆故老淚萬行龜蒙不可見
況乃懷故鄉肺萎屬久戰骨出熱中腸憂來杖匣劍更
上林北岡瘴毒猿鳥落峽乾南日黃秋風亦已起江漢
始如湯登高欲有往蕩析川無梁哀彼遠征人去家死路
傍不及父祖塋累累塚相當

謂死戰地也。○本上後園山脚耳却從背登東岳俯

望中州轉及時事情緒闊遠故收拾悲慟。鶴曰東岳在兗州即齊地洙曰朱崖海南州也碧海在東蓐收秋

神玄冥冬神也鶴曰平原指德州屬河北道開元末張
守珪使祿山討奚契丹故戍役為民害公言至趙時事
也龜蒙二山名龜山
在兗州蒙山在青州

夜雨

小雨夜復密迴風吹早秋野涼侵閉戶江滿帶維舟

清鍊

通籍恨多病為郎忝薄遊天寒出巫峽醉別仲宣樓

洙曰

仲宣樓指荊

州注見前

更題

只應踏初雪騎馬發荊州直怕巫山雨真傷白帝羣

公蒼玉佩天子翠雲裘同舍晨趨侍胡為淹此留

洙曰
晉公

卿禮秩特進尚書令皆佩水蒼

玉趙曰宋玉賦上翠雲之裘

峽隘

聞說江陵府雲沙靜眇然白魚如切玉朱橘不論錢水
有遠湖樹人今何處船青山各在眼却望峽中天

秋行官張望督促東渚耗稻向畢清晨遣女奴阿

稽豎子阿段往問

鶴曰官猶言門官漢高帝紀有
功勞行田宅師古曰行音行酒

之行猶付與也今使之領田故曰行官東渚
即東屯耗稻謂蒲稗之能為禾害者當去之

韓文答孟簡書云行官自吉川還唐
人自有此引門官與行田皆不切

東渚雨今足佇聞粳稻香上天無偏頗蒲稗各自長人
情見非類田家戒其荒功夫競搨搨除草置岨傍穀者
命之本客居安可忘青春具所務勤懇免亂常吳牛力
容易並驅動莫當豐苗亦已概雲水照方塘有生固蔓
延靜一資隄防督領不無人提攜頗在綱荆揚風土暖
肅肅候微霜尚恐主守疎用心未甚臧清朝遣婢僕寄
語踰崇岡西成聚必散不獨陵我倉豈要仁里譽感此

亂世忙

不知所收幾何尚願散之鄰里其盛心如此注者乃不盡知

北風吹蒹葭蟋

蟀近中堂荏苒百工休鬱紆遲暮傷

洙曰莊子捐捐然用力甚多而見功

寡捐苦骨切鄭曰概几利切稠也趙曰主守謂行官張望洙曰潘安仁籍田賦我倉如陵我庾如坻記月令霜降百工休

阻雨不得歸灤西甘林

三伏適已過驕陽化為霖欲歸灤西宅阻此江浦深壤

舟百板圻峻岬復萬尋篙工初一棄恐泥勞寸心

恐泥屢用

佇立東城隅悵望高飛禽草堂亂玄圃不隔崑崙峯昏

渾衣裳外

昏渾語生

曠絕同曾陰園甘長成時三寸如黃金

諸侯舊上計厥貢傾千林邦人不足重所迫豪吏侵客

居暫封殖日夜偶瑤琴

本不相著適得故實

虛徐五株態側塞煩

胃襟焉得輟兩足杖藜出嶇嶽條流數翠實偃息歸碧

潯拂拭烏皮几喜聞樵牧音令兒快搔背脫我頭上簪

朱曰漢武紀計偕注計者上計簿也鶴曰唐志夔州貢

柑橘夢弼曰日夜偶瑤琴謂聽其風韻若鼓瑤琴焉趙

曰謝眺有詠

烏皮隱几詩

柴門

泛舟登瀛西回首望兩崖東城乾旱天其氣如焚柴長
影沒窈窕餘光散谿訝大江蟠嵌根歸海成一家下衝
割坤軸竦壁攢鏌鉞蕭瑟灑秋色氣昏霾日車嶮門自
此始最窄容浮查禹功翊造化疏鑿就欹斜巴渠決太
古衆水為長蛇風烟渺吳蜀舟楫通鹽麻我今遠遊子
飄轉混泥沙萬物附本性約身不願奢茅棟蓋一牀清
池有餘花濁醪與脫粟在眼無咨嗟山荒人民少地僻
日夕佳貧病固其常富貴任生涯老於干戈際宅幸逢

葦遮石亂上雲氣杉青延日華賞妍又分外理愜夫何

誇足了垂白年敢居高士差

師注差輩也未聞殆肩差耳但言高士差亦可一笑

書此豁平昔迴首猶暮霞

夢弼曰豁火含切舒虛加切谷中也嵌丘銜切嵌岩也洙

曰夢弼

為夷丹

甘林

捨舟越西岡入林解我衣青芻適馬性好鳥知人歸晨
光映遠岫夕露見日晞遲暮少寢食清曠喜荆扉經過
倦俗態在野無所違試問甘藜藿未肯羨輕肥喧靜不

同科出處各天機勿矜朱門是陋此白屋非明朝步鄰
里長老可以依時危賦歛數脫粟為爾揮相攜行豆田
秋花藹菲菲子實不得喫貨市送王畿盡添軍旅用迫
此公家威賣豆助軍詩人有過甚者然足以戒主人長跪問戎馬何時稀

我衰易悲傷屈指數賊圍勸其死王命慎莫遠奮飛

鶴曰

按唐史是年吐蕃寇近畿故此詩有軍興賦歛之語

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇傍舍未曾嗔老

病忌拘束應接喪精神江村意自放林木心所欣秋耕
屬地濕山雨近甚勻冬菁飯之半

飯之半亦奇怪

牛力晚來新

深耕種數畝未甚後四鄰嘉蔬既不一名數頗具陳荆

巫非苦寒採擷接青春飛來兩白鶴暮啄泥中芹雄者

左翮垂損傷已露筋一步再流血尚經矰繳勤三步六

號呌

三步六號恠

志屈悲哀頻鸞鳳不相待側頸訴高旻杖

藜俯沙渚為汝鼻酸辛

洙曰尚經矰繳勤經一作驚夢弼曰矰皆登切繳與繫同之若

切矰繳以絲繫矢而射也

月

斷續巫山雨，天河此夜新。
若無青嶂月，愁殺白頭人。
魍魎移深樹，蝦蟇動半輪。
故園當北斗，直想照西秦。

趙曰
長安

上直北斗
公之家在

見螢火

巫山秋夜螢火飛，簾疎巧入坐人衣。
忽驚屋裏琴書冷，復亂簷前星宿稀。
却繞井欄添箇箇，偶經花蘂弄輝輝。
滄江白髮愁看汝，來歲如今歸未歸。

寄劉峽州伯華使君四十韻

峽內多雲雨，秋來尚鬱蒸。
遠山朝白帝，深水謁夷陵。
遲暮嗟為客，西南喜得朋。
哀猿更起坐，落鴈失飛騰。
伏枕思瓊樹，臨軒對玉繩。
青松寒不落，碧海闊逾澄。
昔歲文為理，羣公價盡增。
家聲同令聞，時論以儒稱。
太后當朝

肅

頌則天語

多才接迹昇，翠虛捐魍魎。
丹極上鯤鵬，宴引春

壺滿

一作酒

恩分夏簟冰

只合滿字壺即酒矣冰字義虛謂簟

雕章五色筆

紫殿九華燈，學並盧王敏。
書偕褚薛能，老兄真不墜。
小

子獨無承近有風流作聊從月繼徵放蹄知赤驥捩翅
服蒼鷹卷軸來何晚襟懷庶可憑會期吟諷數益破旅
愁凝雕刻初誰料纖毫欲自矜神融躡飛動戰勝洗侵
凌妙取筌蹄棄高宜百萬層白頭遺恨在青竹幾人登
回首追談笑勞歌跼寢興年華紛已矣世故莽相仍刺
史諸侯貴郎官列宿應潘生驂閣遠黃霸璽書增乳贄
號攀石饑飢訴落藤藥囊親道士灰劫問胡僧憑久烏
皮綻簪稀白帽稜林居看蟻穴野食待魚曹筋力交凋

喪飄零免戰兢皆為百里宰正似六安丞

此六安丞亦難注

姹

女縈新裏丹砂冷舊秤但求椿壽永莫慮祀天崩鍊骨
調情性張兵撓棘矜養生終自惜伐數必全懲政術甘
疎誕詞場愧服膺展懷詩誦魯割愛酒如澠咄咄寧書

字冥冥欲避矰江湖多白鳥天地有青蠅

注或以白鳥為蚊蚋非豈

有兩句皆說讒成甚律度○洙曰峽州夷陵郡趙曰更
起坐更音平聲洙曰玉繩星名謝玄暉詩玉繩低建章
趙曰家聲同令聞公言已與劉使君也洙曰甘泉賦指
夢魘注指殺也南史江淹夢得五色筆西京雜記元日
燃九華燈於終南山下盧王緒薛謂盧照鄰王勃緒遂
良薛稷也趙曰聊從月繼徵謂劉使君近詩可以月月

相繼而求之也。洙曰：易得魚忘筌，得兔忘蹄，青竹青簡也。趙曰：勞歌跼寢，興謂勞我歌詠而跼踖於寢興之間也。趙曰：郎官公自謂也。漢明帝云：郎官上應列宿，出宰百里。洙曰：潘生驂閣遠，一作潘安雲閣遠。晉潘岳以太尉掾寓直于散騎之省，高閣連雲，陽景罕曜，夙興晏寢，匪遑底寧。其辭見岳秋興賦。漢黃霸為潁川太守，治為天下第一。宣帝下詔稱揚，賜闕內侯，贊音畎。注見八哀詩。漢武帝穿昆明池，悉是灰墨，有胡僧云：天地大劫將盡，則有劫灰。此劫灰之餘也。夢符曰：後漢桓譚數言事忤旨，出為六安郡丞。趙曰：公謂昔為郎官，自可出宰。以言房瑄故正。如桓譚之忤旨也。洙曰：姪女丹砂修煉之事，注見前。莊子：上古有大椿者，以八千歲為春，八千歲為秋。列子：杞國有人憂天崩墜，身無所寄。漢徐樂書陳涉起窮巷奮棘矜，注棘戟也。矜戟之把也。時秦銷兵器，故但有戟之把耳。矜音巨巾。反夢弼曰：伐數伐猶伐性之伐，數則言壽也。或作伐叛，非洙曰：禮記：顏子得一善。

則拳拳服膺晉殷浩被廢終日書空作咄咄怪事四字
楊子鴻飛冥冥弋人何慕焉詩青蠅喻讒人也鮑曰江
湖多白鳥與白鷗波浩蕩意同言自適也

草閣

草閣臨無地柴扉永不關
魚龍迴夜水星月動秋山
夕露晴初濕高雲薄未還
泛舟慚小婦飄泊損紅顏

月

併照巫山出新窺楚水清
羈棲愁裏見二十四迴
明必驗升沈體如知進退
情不違銀漢落亦伴玉繩
橫

是愛月者

也鶴曰公在雲安與夔州歷望夜見月凡二十四回趙
曰公謂看月至盡夜不違銀漢落時亦必伴玉繩橫然
止後

十七夜對月

秋月仍圓夜江村獨老身捲簾還照客倚杖更隨人

自是

不經人道光射潛蚪動明翻宿鳥頻茅齋依橘柚清切露華

新

白露

白露團甘子清晨散馬蹄圃開連石樹船渡入江溪憑

几看魚樂迴鞭急鳥棲漸知秋實美幽徑恐多蹊

孟氏

鶴曰孟十二倉曹與十四主簿也

孟氏好兄弟養親唯小園承顏牀手足坐客強盤餐負

米力葵外

力葵固不可解夕葵亦晦

讀書秋樹根卜鄰慚近舍訓子

覺先門

洙曰家語子路為親負米夢弼曰力一作夕洙曰先門謂孟母教子擇鄰也

驅豎子摘蒼耳

江上秋已分林中瘴猶劇畦丁告勞苦無以供日夕蓬
莠猶不焦野蔬暗泉石卷耳況療風童兒且時摘侵星

驅之去爛漫任遠適放筐亭午際洗剝相蒙幕登牀半
生熟下筋還小益加點瓜薤間依稀橘奴跡亂世誅求
急黎民糠粃窄飽食復何心荒哉膏粱客富家厨肉臭
戰地骸骨白寄語惡少年黃金且休擲

夢弼曰登牀謂薦之於俎也趙

曰小益謂卷耳菜能療風也洙曰李衡種橘於龍陽洲謂其子曰吾有千頭木奴歲可收絹千匹夢符曰漢書陳平傳亦食糠覈耳注云覈音紇京師人謂麤屑為紇頭唐柳芳氏族論三世有三公者曰膏粱有令僕曰華腴夢弼曰西京雜記漢佞幸有韓嫣好彈以金為丸所失者日有千餘長安為之語曰苦饑寒逐金丸

同元使君春陵行

大歷二年秋夢州作鶴曰公時居夔之瀼西

覽道州元使君

結

春陵行
蕪賊退後示官吏作二首

志之曰當天子分憂之地效漢官良吏之日今盜賊
未息知民疾苦得結輩十數公落落然參錯天下為
邦伯萬物吐氣天下少安可待矣不意復見此興體
制微婉頓挫之詞感而有詩增諸卷軸簡知我者不

必寄元

此意
尤好

遭亂髮盡白轉衰病相嬰沈縣盜賊際狼狽江漢行歎
時藥力薄為客羸瘵成吾人詩家秀博采世上名

自叙
如此

而起興如此比元之二詩故是作者

粲粲元道州前聖畏後生觀乎舂陵

作歛見俊哲情復覽賊退篇結也實國楨賈誼昔流慟

匡衡常引經道州憂黎庶詞氣浩縱橫兩章對秋月一

字偕華星致君唐虞際純朴憶大庭何時降璽書用爾

為丹青

丹青謂圖像示人也

獄訟久衰息豈惟偃甲兵悽惻念誅

求薄歛近休明乃知正人意不苟飛長纓涼颿振南岳

之子寵若驚色沮金印大興含滄溟清

謂元詩有棄官刺船語

我

多長卿病日夕思朝廷肺枯渴大甚漂泊公孫城嘯兒

具紙筆隱几臨軒楹作詩呻吟內墨淡字款傾感彼危

苦詞庶幾知者聽

其首尾如此情事甚真。洙曰漢賈誼上疏云當今事勢可為慟哭者一

可為流涕者二匡衡陳便宜及朝廷有政議傳經以對夢弼曰兩章即元結春陵行及賊退示官吏作洙曰莊子注大庭氏古者至德之世也漢宣帝時二千石有治理効輒以璽書勉勵夢弼曰近休明謂為治近乎三代休明之時也左傳楚子觀兵於周疆問鼎之大小輕重王孫滿對曰德之休明雖小重也其姦回昏亂雖大輕也趙曰不苟飛長纓謂元結不苟且在冠冕之中也洙曰長卿病謂病渴也公孫城謂白帝城即夔州也

春陵行

并序

元結次山

癸卯歲漫叟授道州刺史道州舊四萬餘戶經賊

已來不滿四千大半不勝賦稅到官未五十日承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲焉逃罪
若不應命又即獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所須切責在有司有司臨郡縣刑法竟欲施
供給豈不憂徵歛又可悲州小經亂亡遺人實困疲

大鄉無十家大族命單羸朝餐是草根暮食乃木皮
出言氣欲絕意速行步遲追噓尚不忍況乃鞭扑之
郵亭傳急符來往跡相追更無寬大恩但有迫促期
欲令鬻兒女言發恐亂隨悉使索其家而又無生資
聽彼道路言怨傷誰復知去冬山賊來殺奪幾無遺
所願見王官撫養以惠慈奈何重驅逐不使存活為
安人天子命符節我所持州縣忽亂亡得罪復是誰
逋緩違詔令蒙責固所宜前賢重守分惡以禍福移

亦云貴守官不愛能適時顧惟孱弱者正直當不虧
何人采國風吾欲獻此辭

賊退示官吏

并序

元結次山

癸卯歲西原賊入道州焚掠幾盡而去明年賊又
攻永破邵不犯此州邊鄙而退豈力能制敵歟蓋
蒙其傷憐而已諸使何為忍苦徵歛故作詩一篇
以示官吏

昔歲逢太平山林二十年泉源在庭戶洞壑當門前

井稅有常期日晏猶得眠忽然遭世變數歲親戎旃
今來典斯郡山夷又紛然城小賊不屠人貧傷可憐
是以陷鄰境此州獨見全使臣將王命豈不如賊焉
今彼徵歛者迫之如火煎誰能絕人命以作時世賢
思欲委符節引竿自刺船將家就魚麥歸老江湖邊
寄狄明府博濟

梁公曾孫我姨弟不見十年官濟濟大賢之後竟陵遲
浩蕩古今同一體比看伯叔四十人有才無命百寮底

今者兄弟一百人

百狄四十叔

幾人卓絕秉周禮在汝更用

文章為長兄白眉復天啟汝門請從曾翁說

曾翁即曾祖

太

后當朝多巧計狄公執政在末年濁河中不污清濟國
嗣初將付諸武公獨廷諍守丹陛禁中決冊詔房陵前
朝長老皆流涕太宗社稷一朝正漢官威儀重昭洗時
危始識不世才誰謂荼苦甘如薺汝曹又宜裂土食身
使門戶多旌榮胡為飄泊岷漢間干謁王侯頗歷詆況
乃山高水有波秋風蕭蕭露泥泥虎之饑下巉岵蛟之

橫出清泚早歸來黃土汚人眼易眯

洙曰狄仁傑封梁國公左傳魯秉周

禮蜀志馬良兄弟五人並有才名鄉里為之諺曰馬氏五常白眉最良左傳天將啟之按武后當朝革唐為周廢中宗為廬陵王遷于房州欲以武三思為太子仁傑數諫后感悟即日迎中宗復唐社稷希曰裂土即裂地樂毅書裂地而封之趙曰唐制節度使就第賜旌節三品以上門立戟漢書注有衣之戟曰榮洙曰詆訐也漢息夫躬歷詆公卿大臣歐曰

眯莫禮切莊子秕糠眯目

寄韓諫議注

今我不樂思岳陽身欲奮飛病在牀美人娟娟隔秋水
濯足洞庭望八荒鴻飛冥冥日月白青楓葉赤天雨霜

玉京羣帝集北斗或騎麒麟翳鳳凰芙蓉旌旗煙霧樂
影動倒景搖瀟湘星宮之君醉瓊漿羽人稀少不在傍
似聞昨者赤松子恐是漢代韓張良昔隨劉氏定長安
帷幄未改神慘傷國家成敗吾豈敢色難腥腐餐楓香
周南留滯古莫惜南極老人應壽昌美人胡為隔秋水
焉得置之貢玉堂

師曰地理志岳州巴陵郡在岳之陽故曰岳陽有君山洞庭湖湘江之勝

洙曰梁元帝纂要云日光曰景司馬相如賦貫列缺之倒景趙曰楚辭仍羽人於丹丘洙曰漢張良其先韓人也高祖曰運籌帷幄之中決勝千里之外子房功也良願棄人間事從赤松子遊乃學辟穀導引輕身呂后德

其安太子乃強食之曰人生一世間如白駒過隙何至自苦如此乎良不得已強聽而食趙曰神仙傳壺公數試費長房繼令噉溷臭惡非常長房難之洙曰史記太史公留滯周南春秋元命苞云老人星治平則見見則主壽

昌

寄岑嘉州

公自注州據蜀江外趙曰岑參也

不見故人十年餘不道故人無素書願逢顏色關塞遠
豈意出守江城居外江三峽且相接斗酒新詩終自疎
謝朓每篇堪諷誦馮唐已老聽吹噓泊船秋夜經春草
伏枕青楓限玉除眼前所寄選何物贈子雲安雙鯉魚

洙曰宋謝朓字玄暉漢文帝問馮唐曰父老何自為郎
趙曰青楓謂楚地王除謂京闕也鶴曰夔州雲安郡也
洙曰古詩客從遠
方來遺我雙鯉魚

魏將軍歌

將軍昔著從事衫

一語便奇

鐵馬馳突重兩銜被堅執銳略

西極崑崙月窟東

斬嚴

好句法

君門羽林萬猛士惡若哮

虎子所監五年起家列霜戟一日過海收風帆平生流

輩徒蠢蠢長安少年氣欲盡魏侯骨聳精爽緊華嶽峰

尖見秋隼星纏寶校金盤陀夜騎天駟超天河撓搶熒

惑不敢動翠蕤雲旂相蕩摩吾為子起歌都護酒闌插

劒肝膽露鈎陳蒼蒼風玄武萬歲千秋奉明主臨江節

士安足數

起伏音節壯麗甚偉。注謂子美自稱節士此必不可者也。洙曰被堅執銳見漢書嶄巖

參差見相如上林賦鄭曰嶄仕咸切石高峻貌荆溪吳子良明輔云崑崙月窟在西而謂之東者蓋謂魏將軍略地至西方之極而回顧崑崙月窟却在東也洙曰君門羽林禁旂也漢有羽林軍趙曰隼驚鳥也時可曰星經寶校金盤陀謂馬裝也顏延年赭白馬賦云貝服金組兼飾丹艘寶校星經縷章霞布洙曰天官書漢中四星曰天駟撓搶妖星也熒惑火星也翠蕤雲旂皆旗也鄭曰撓初銜切搶楚耕切旂所交切夢弼曰古樂府有丁都護歌樂錄云丁都護歌者彭城內史徐達為督軌所殺宋高祖乃使督護丁旡收殮之達妻高祖長女也

呼昨至閣下自問欲送之事每問輒歎息曰丁都護其聲哀切後人因其聲廣其曲焉趙曰鈞陳星名玄武闕名修可曰臨江節士史失其名唯古樂府載宋陸厥臨江王節士歌曰節士慷慨髮上衝冠彎弓掛弱水長劍疎雲端

秋峽

江濤萬古峽肺氣久衰翁不寐防巴虎全生狎楚童

至狎

樵豎且以自全

衣裳垂素髮門巷落丹楓常怪商山老兼存翊

贊功

非無能無忠者

日暮

牛羊下來久各已閉柴門風月自清夜江山非故園

人人

能言人人不能言與
可惜歡娛地同耳

石泉流暗壁草露滴秋根頭白燈

明裏何須花燼繁

月

四更山吐月殘夜水明樓塵匣元開鏡風簾自上鉤
兔應疑鶴髮蟾亦戀貂裘斟酌姮娥寡天寒柰九秋

曉望

白帝更聲盡陽臺曉色分高峰寒上日疊嶺宿霾雲地

坵江帆隱天清木葉聞

語至不可解則妙耳

荆扉對麋鹿應共爾

為羣

別李祕書始興寺所居

不見祕書心若失及見祕書失心疾安為動主理信然

我獨覺子神充實重聞西方止觀經老身古寺風泠泠

妻兒待米且歸去他日杖藜來細聽

磊落真率語短而暢亦自本分蕭

散有情賢於強知解者

九月一日過孟十二倉曹十四主簿兄弟

鶴曰按史是年

九月吐蕃寇靈州
邠州京師戒嚴

藜杖侵寒露蓬門啟曙煙力稀經樹歇老困撥書眠

語自

稱意秋覺追隨盡來因孝友偏清談見滋味爾輩可忘年

趙曰漢稱衡始弱冠孔融年四十為忘年交

過客相尋

窮老真無事江山已定居地幽忘盥櫛客至罷琴書挂
壁移筐果啍兒問煮魚時聞繫舟楫及此問吾廬

孟倉曹步趾領酒醬二物滿器見遺老夫

楚岫通秋屐胡牀面夕畦籍糟分汁滓甕醬落提攜飯

糲添香味朋來有醉泥理生那免俗方法報山妻

洙曰劉伶

酒德頌枕麴籍糟趙曰周禮醴齊注云醴猶體也成而汁滓相將夢弼曰司馬遷傳堯舜糲梁之食注音粹張晏曰一斛粟舂七斗米為糲醉如泥見漢周澤傳師曰方法謂造酒醬之方法也

課小豎鉏斫舍北果林枝蔓荒穢淨訖移牀三首

病枕依茅棟荒鉏淨果林背堂資僻遠在野興清深山

雉防求敵江猿應獨吟洩雲高不去隱几亦無心

資防應洩

雲突兀甚
○解不得

衆壑生寒早長林卷霧齊青蟲懸就日朱果落封泥

亦眼

前人所以不到

薄俗防人面全身學馬蹄

馬蹄亦得大意

吟詩坐迴首

隨意葛巾低

自畫○洙曰左傳子產曰人心不同如其面焉趙曰莊子馬蹄可以踐霜雪毛可以

禦風寒斲草飲水翹足而陸此馬之真性也

籬弱門何向沙虛岼只摧

字意宛轉

日斜魚更食客散鳥還

來

幽趣宛密

寒水光難定秋山響易哀天涯稍曛黑倚杖更

徘徊

溪上

峽內淹留客溪邊四五家古苔生迹地秋竹隱疎花塞
俗人無井山田飯有沙西江使船至時復問京華

鶴曰
苔一

作苔鄭曰迹
側格切迫也

中夜

中夜江山靜危樓望北辰長為萬里客有愧百年身故
國風雲氣高堂戰伐塵胡雛負恩澤嗟爾太平人

復愁十二首

人煙生處僻虎跡過新蹄野鵲翻窺草村船逆上溪

釣艇收緡盡昏鴉接翅稀月生初學扇雲細不成衣

萬國尚防寇故園今若何昔歸相識少

今又可知

早已戰塲

多

身覺省郎在家須農事歸年深荒草徑老恐失柴扉

金絲鏤箭鏃阜尾掣旗竿一自風塵起猶嗟行路難

洙曰

金絲箭阜尾

旗皆胡服也

正觀銅牙弩開元錦獸張花門小箭好此物棄沙塲

用夷

變夏輕棄前輩。趙曰書若虞機張則所謂錦獸張者亦弩之物耳鶴曰漢書申屠嘉以材官蹶張注曰材官

之士多力能腳踏強弩張之
故曰蹶張師曰花門回紇也

胡虜何曾盛干戈不肯休閭閻聽小子談笑覓封侯

鶴曰

按唐史至德年間府庫無蓄積朝廷專以官爵賞功諸將出師皆給空名告身自開府特進列卿大將軍以至中郎郎將聽臨事注名及清渠之敗復以官爵收散卒應募入軍者一切衣金紫至有朝士僮僕衣金紫稱大官而執賤役者

今日翔麟馬先宜駕鼓車無勞問河北諸將角榮華

夢符

曰按唐志翔麟殿名洙曰漢文帝以千里馬駕鼓車

任轉江淮粟休添苑囿兵由來貔虎士不滿鳳凰城

趙曰

鳳凰城謂

京兆也

江上亦秋色火雲終不移巫山猶錦樹南國且黃鸝

每恨陶彭澤無錢對菊花如今九日至自覺酒須賒

日洙

南史陶潛九日無酒出宅邊叢菊中坐久之逢刺史王弘送酒至即醉而歸

病減詩仍拙吟多意有餘莫看江揔老猶被賞時魚

日洙

江揔字揔持在陳授尚書令陳破入隋後復歸老江南師曰子美檢校工部朱紱銀魚故託江揔以自況也

搖落

搖落巫山暮寒江東北流煙塵多戰鼓風浪少行舟鵝

費羲之墨貂餘季子裘長懷報明主臥病復高秋

洙曰晉王

羲之愛鵝山陰道士養好鵝因為寫道德經籠鵝而歸趙曰戰國策蘇秦字季子游說秦王黑貂之裘敝

九日五首

重陽獨酌杯中酒抱病起登江上臺竹葉於人既無分

菊花從此不須開殊方日落玄猿哭舊國霜前白鴈來

弟妹蕭條各何往干戈衰謝兩相催

起一作豈洙曰張景陽七命乃有荆

南鳥程豫北竹葉竹葉酒名也鮑曰筆談載北方有白鴈似鴈而小秋深乃來來則霜降北人謂之霜信

舊日重陽日傳杯不放杯即今蓬鬢改但媿菊花開北

關心長戀西江首獨迴茱萸賜朝士難得一枝來

洙曰唐志

九日賜宴

及茱萸

舊與蘇司業兼隨鄭廣文采花香泛泛坐客醉紛紛野
樹歌還倚秋砧醒却聞歡娛兩冥冥西北有孤雲

故里樊川菊登高素漣源他時一笑後今日幾人存巫
峽蟠江路終南對國門繫舟身萬里伏枕淚雙痕為客
裁烏帽從兒具綠樽佳辰對羣盜愁絕更堪論

鶴曰樊川以漢

將軍樊噲食邑於此得名即杜陵之鄉漣水為長安大
川漣所簡切夢弼曰終南長安之南山也洙曰沈休文

詩憂來
命綠樽

風急天高猿嘯哀，渚清沙白鳥飛迴。
無邊落木蕭蕭下，不盡長江滾滾來。

句自雄暢

萬里悲秋常作客，百年多病獨

登臺艱難苦恨繁，霜鬢潦倒新停濁酒杯。

結復鄭重

季秋江村

喬木村墟古，疎籬野蔓懸。
素琴將暇日，白首望霜天。
登俎黃甘重，支牀錦石圓。
遠游雖寂寞，難見此山川。

季秋蘇五弟纓江樓夜宴崔十三評事韋少府姪

三首

峽險江驚急樓高月迥明一時今夕會萬里故鄉情星

落黃姑渚秋辭白帝城老人因酒病堅坐看君傾

夢弼曰十

道志忠州有黃姑渚或謂古樂府東飛伯勞西飛燕黃姑織女時相見黃姑即河鼓也乃俗聲之轉耳

明月生長好浮雲薄漸遮悠悠照邊塞悄悄憶京華清
動杯中物高隨海上查不眠瞻白兔百過落烏紗

洙曰陶潛

詩天運苟如此且進杯中物海上查注見前

對月那無酒登樓況有江

扶疎曲折不容無

聽歌驚白鬢笑舞

拓秋窻樽蟻添相續沙鷗並一雙盡憐君醉倒更覺片

心降

洙曰釋名酒有浮蟻在上泛泛然

暮歸

霜黃碧梧白鶴棲城上擊柝復烏啼客子入門月皎皎

誰家搗練風淒淒

古樂府少及

南渡桂水闕舟楫北歸秦川

多鼓鞞年過半百不稱意明日看雲還杖藜

送孟十二倉曹赴東京選

鶴曰唐志太宗時以歲早穀貴通入選者集于

洛州謂之東選

君行別老親此去苦家貧藻鏡留連客

藻鏡亦拙

江山憔悴

人憔悴字活道塗之歎流滯之感也

秋風楚竹冷夜雪鞏梅春朝夕高

堂念應宜綵服新

夢符曰晉書制曰藻鏡銓衡尹曰唐舊史許子儒居選部不以藻鏡為意

希曰夢屬楚地

治州有鞏縣

憑孟倉曹將書覓土婁舊莊

鶴曰土婁河南地名也

平居喪亂後不到洛陽岑為歷雲山問無辭荆棘深北

風黃葉下南浦白頭吟十載江湖客茫茫遲暮心

耳聾

生年鵝冠子

謂世方尚武

歎世鹿皮翁眼復幾時暗耳從前

月聲

意甚怨

猿鳴秋淚缺雀噪晚愁空黃落驚山樹啼兒

問朔風

不聞風聲惟見落葉。師曰鵝男雉也其鬬無已一死乃亡故趙武靈王以為冠以表武士夢

弼曰後漢輿服志鵝冠環纓無髹如雙鵝尾在左右五官虎黃羽林皆冠之黃曰楚人有隱居山中以鵝為冠因號鵝冠子出袁淑真隱傳洙曰劉向列仙傳鹿皮翁菑川人居本山上百餘年下賣藥於市

小園

由來巫峽水本自楚人家客病留因藥春深買為花

倒句

異矯 秋庭風落果灤岬雨頽沙問俗營寒事將詩待物華

夜

絕岼風威動寒房燭影微嶺猿霜外宿江鳥夜深飛獨
坐親雄劍哀歌歎短衣煙塵繞閭闔白首壯心違

夢弼曰漢

禮樂志注閭閻天門也

奉酬薛十二丈判官見贈

忽忽峽中睡

不知其何從來何所指但覺彼此有之

悲風方一醒西來有

好鳥為我下青冥羽毛淨白雪慘澹飛雲汀既蒙主人

顧舉翮唳孤亭

連用六句引譬而不終

持以比佳士及此慰揚舲

清文動哀玉見道發新硯欲學鴟夷子待勒燕山銘誰
重斬郅劒致君君未聽志在麒麟閣無心雲母屏卓氏
近新寡豪家朱門扃相如才調逸銀漢會雙星客來洗
粉黛日暮拾流螢

此其用益光車亂事以美新昏也隱約之甚。其人必新娶

不是

無膏火勸郎勤六經老夫自汲澗野水日泠泠我歎黑

頭白君看銀印青

銀印青以銀青期之也

臥病識山鬼為農知地

形誰矜坐錦帳苦厭食魚腥東南兩岼坼橫木注滄溟
碧色忽惆悵風雷搜百靈空中右白虎赤節引娉婷自

云帝里女嘆雨鳳凰翎襄王薄行跡莫學冷如丁千秋

一拭淚夢覺有微馨

偶叙峽中忽及神女期前卓意又託丁鶴則猶前好鳥也

人生

相感動金石兩青瑩丈人但安坐休辯渭與涇龍蛇尚

格鬪灑血暗郊垞吾聞聰明主治國用輕刑銷兵鑄農

器今古歲方寧文王日儉德俊乂始盈庭榮華貴少壯

豈食楚江萍

師曰漢武故事上忽見一青鳥從西方集殿前東方朔曰此西王母欲來也公以薛

有仙姿故以況之高曰揚舠行舟也洙曰莊子屠牛坦

刀刃若新發於

砥范蠡

既破吳乃浮江湖變名姓為鴻

夷子皮後漢竇憲擊匈奴大破之登燕然山刻石勒功

紀漢威德班固作銘夢弼曰漢元帝時西域都護甘延

壽陳湯斬郅支單于於康居洙曰漢鄭弘為太尉時舉第五倫為司空班次在下每正朔朝見弘曲躬自卑上遂聽置雲母屏風分隔其間司馬相如初遊臨邛臨邛之富人卓氏有女文君新寡相如以琴心挑之文君夜奔相如漢百官志郎官給錦帳希曰本作空中石白虎善本石作右洙曰本一作帝季女文君選我天帝之季女襄王夢神女遶東華表曰言丁令威注並見前洙曰家語楚昭王渡江得一物大如斗圓而赤使使聘魯問於孔子孔子曰此所謂萍實者也可剖而食之

送李八秘書赴杜相公幕

鶴曰按是年六月劍南節度杜鴻漸自成都入朝

青簾白舫益州來巫峽秋濤天地迴石出倒聽楓葉下

櫓搖背指菊花開

兩句皆目擊自然而險易天出極舟行之妙

貪趨相府今

晨發恐失佳期後命催南極一星朝北斗

南極朝北斗不必可解

五雲多處是三台

趙曰南極一星謂李秘書北斗指長安三台謂杜相公

贈李八秘書別三十韻

往時中補右扈蹕上元初反氣陵行在妖星下直廬六
龍瞻漢闕萬騎略姚墟玄朔回天步神都憶帝車一戎

纔汗馬

一戎不成語

百姓免為魚通籍蟠螭印差肩列鳳輿

從萬騎略姚墟來不意至此然非為通籍地也詩之少識謂此

事殊迎代邸喜異賞朱

虛冠盜方歸順乾坤欲晏如不才同補衮奉詔許牽裾

鴛鴦叨雲閣麒麟滯玉除文園多病後中散舊交疎飄
泊哀相見平生意有餘風煙巫峽遠臺榭楚宮虛觸目
非論故新文尚起予清秋凋碧柳別浦落紅蕖消息多
旗幟經過歎里閭戰連脣齒國軍急羽毛書幕府籌頻
問山家藥正鋤

公自注秘書北
臥青城山中

台星入朝謁使節有吹

噓西蜀災長弭南翁憤始攄對敷坑士卒乾沒費倉儲
勢籍兵須用功無禮忽諸

無功而見禮者如
此忽諸者驚也

御鞍金騶

裏宮硯玉蟾蜍拜舞銀鈎落恩波錦帕舒此行非不濟

良友昔相於去棹依顏色沿流想疾徐沈綿疲井臼倚
薄似樵漁乞米煩佳客鈔詩聽小胥杜陵斜晚照滴水
帶寒於莫話清溪髮蕭蕭白映梳

夢弼曰上元初止謂
改元之初非年號姚

墟在漢中舜生於姚墟玄朔回天步謂肅宗即位靈武
神都憶帝車謂玄宗幸蜀未還洙曰漢書丞相陳平太
尉周勃朱虛侯劉章既誅諸呂迎代王於代邸而立之
是為文帝文帝即位益封朱虛侯二千石黃金一千斤
夢弼曰朱虛侯乃高祖齊王之子李祕書亦宗室也故
以為比洙曰魏辛毗諫文帝帝不答起入內毗隨而引
其裾漢司馬相如有消渴疾後為孝文園令晉嵇康拜
中散大夫嘗與阮籍輩為竹林之遊左傳晉亡齒寒親
武奏事曰若有急則插羽於檄謂之羽檄漢張湯傳乾
沒注云得利為乾失利為沒玉蟾蜍貯硯水之器也郭

曰乞去既切鈔楚交切洙
曰杜陵滴水公之故里也

奉送韋中丞之晉赴湖南

鶴曰韋之晉
為衡州刺史

寵渥徵黃漸權宜借寇頻湖南安背水

背水如
依山

峽內憶

行春王室仍多故蒼生倚大臣還將徐孺榻處處待高

人洙曰漢黃霸為潁川太守治為天下第一徵守京兆

尹冠恂從光武南征至潁川盜賊悉降百姓遮道曰

願從陛下復借寇君一年夢弼曰東方朔外傳郡守四

馬駕車一馬行春鶴曰峽內憶行春韋嘗守峽中郡徐

孺榻注

見前

聞惠子過東溪

惠子白驢瘦歸溪唯病身皇天無老眼空谷滯斯人崖

蜜松花熟山杯竹葉春柴門了生事黃綺未稱臣

定功曰本

草白蜜一名崖蜜蓋蜂作蜜於崖石間今云崖蜜松花熟又謂採松花而成蜜也賓退錄孫覲仲益與曾慥端伯書論詩云東坡橄欖詩已輸崖蜜十分甜惠洪以崖蜜為櫻桃又有俗子假東坡名注杜詩云金城土酥淨如練為蘆菰根者東坡地黃詩云崖蜜助甘冷山薑發芳辛割地黃法當用薑與蜜而用櫻桃可乎黃師是守酒揚州雲液却如酥謂土酥為蘆菰根可乎

大覺高僧蘭若

公自注和尚去冬往湖南

巫山不見廬山遠松林蘭若秋風晚一老猶鳴日暮鍾

諸僧尚乞齋時飯香爐風色隱晴湖種杏僊家近白榆

飛錫去年啼邑子獻花何日許門徒

趙曰廬山惠遠師也修可曰蘭若者

梵言阿蘭若唐言無淨因用以名寺若爾者切夢弼曰乞去既切洙曰廬山記東南有香爐峯神仙傳董奉居廬山治病重者種杏五株輕者一株號董仙杏林趙曰近白榆言其所居之高近乎星辰也古詩天上何所有歷歷種白榆趙曰飛錫謂和尚去冬往湖南見自注邑子謂同邑之子也希曰漢尹翁歸傳于定國欲屬託邑子兩人夢弼曰門徒謂從遊諸弟子也未知和尚歸在何日諸弟子當修供養以待之也

補遺

奉酬薛判官見贈

諸本誰重斬邪劒一作斬蛇劒蔡夢弼會箋云斷蛇劒事非所當用是斬

邪劍乃用朱雲乞斬張禹事今按斬邪劍亦非豈邪字
乃邪字之訛邪漢元帝時西域都護陳湯斬邪支單于
於康居當作斬邪劍與上句待勒燕山銘下句志在麒麟
閣意相屬後云龍蛇尚格鬬灑血暗郊垌黃鶴叔似
注是年秋吐蕃入寇皆於集中已定作
斬邪劍仍借蔡氏為注不復出增注也

百花潭水即滄浪

唐節度使崔寧妻冀國夫人家于浣
花溪上初為兒童有僧過其家遍身
瘡穢夫人奉之甚謹僧持藥衣謂曰為我濯此夫人就
溪浣之蓮花隨出潭中及貴俗呼百花潭見山谷外集

注

和裴迪蜀州東亭逢早梅相憶

葛常之韻語陽秋日杜
詩東閣官梅動詩興還

如何遜在揚州按遜傳無揚州事而遜集亦無揚州梅
花詩但有早梅詩云小園標物序驚時最是梅銜霜當

路發映雪凝寒開枝橫却月觀花繞凌風臺朝灑長門
泣夕驅臨卽杯應知早飄落故逐上春來杜公前詩乃
逢早梅而作故用何遜事又意却月凌風皆揚州臺觀
名爾近時有妄人假東坡名作老杜事實一編無一事
有據至謂遜作揚州法曹廨舍有
梅一株吟詠其下豈不誤學者

陪李司馬早江上觀造竹橋

蔡興宗正異云合觀却笑
千年事驅石何時到海東

題云觀造竹橋即日成句中合觀字謂聚觀橋
成之速而笑驅石之誕諸本皆訛作歡非也

王十五前閣會

藝苑雌黃云江朝宗言杜詩俊味亦有
來處本草蒟注云此物實為羹擢極美

足為饌中之俊
詩見二十六卷

贈李八秘書

復齋漫錄云對揚抗士卒初不曉其義讀
司馬相如上林賦抗士卒之精費府庫之

財抗五官切挫也方悟坑乃抗字之訛
蓋李方入對宜論蜀中兵老財匱也



集千家註杜工部詩集卷十七

總校官庶吉士臣張能照
校對官編修臣閔惇大

謄錄監生臣宋維翰

欽定四庫全書薈要

集部

集千家註杜工部詩集卷十八



詳校官助教臣常循

欽定四庫全書薈要卷一萬三千六百八十九

集部

集千家註杜工部詩集卷十八

自瀼西荆扉且移居東屯茅屋四首

大歷二年夔州作鶴曰是

年秋公自瀼西又移居東屯又按史九月吐蕃入寇京師戒嚴



鹽危嶠北赤甲古城東平地一川穩高山四面同煙

霜淒野日秔稻熟天風人事傷蓬轉吾將守桂叢

洙曰淮南

王招隱士賦桂樹

叢生兮山之幽

東屯復瀼西一種住青溪來往兼茅屋淹留為稻畦市

喧宜近利

公自注西居近市易異為近利市三倍左氏傳晏子對景公語

林僻此無蹊

若訪衰翁語須令賸客迷

賸必勝也字誤○夢弼曰賸實証切陸機詩遊賞愧賸客

道北馮都使高齋見一川子能渠細石吾亦沼清泉枕

帶還相似柴荆即有焉

此焉字不知是他無後押是他怪後押

斫畬應費

日解纜不知年

夢符曰畬音賒燒榛種田也劉夢得竹枝歌云長刀短笠去燒畬

牢落西江外參差北戶間久遊巴子國卧病楚人山幽

獨移佳境清深隔遠關寒空見鴛鴦迴首想朝班

簡吳郎司法

鶴曰公時移居東屯以讓西草堂借吳司法居之

有客乘舸自忠州遣騎安置襄西頭古堂本買藉踈豁
借汝遷居停宴遊雲石熒熒高葉曉風江颯颯亂帆秋
却為姻婭過逢地許坐曾軒數散愁

又呈吳郎

堂前撲棗任西鄰無食無兒一婦人不為困窮寧有此
祇緣恐懼轉須親即防遠客雖多事使插疎籬却甚真
已訴徵求貧到骨正思戎馬淚盈巾

此兩簡語甚媿箋
解詩皆若此實誤

後人

題栢大兄弟山居屋壁二首

鶴曰當是栢
貞節之子姪

叔父朱門貴郎君玉樹高山居精典籍文雅涉風騷江

漢終吾老雲林得爾曹哀絃繞白雪未與俗人操

希曰
古稱

貴人之子及當事其父者曰郎君尹曰禮記絲聲哀夢
符曰宋玉對楚襄王曰客有歌郢中者為陽春白雪屬
而和者數
十人而已

野屋流寒水山籬帶白雲靜應連虎穴喧已去人羣筆

架霑窓雨書籤映隙曛蕭蕭千里馬箇箇五花文

踰其
兄弟

覃山人隱居

南極老人自有星北山移文誰勒銘徵君已去獨松菊
哀壑無光留戶庭予見亂離不得已子知出處必須經
高車駟馬帶傾覆此隱居似在大路傍故云張望秋天虛翠屏洙曰齊周
顓隱鐘山後出為海鹽令欲過北山孔稚珪假山神作
文以却之曰北山移文夢弼曰漢魏以來隱士名之曰
徵君

栢學士茅屋

碧山學士焚銀魚白馬却走身岩居古人已用三冬足
年少今開萬卷餘晴雲滿戶團傾蓋秋水浮階溜決渠

富貴必從勤苦得男兒須讀五車書

洙曰東方朔傳三冬文史足用家語

孔子遇程子於途傾蓋而語
莊子惠施多方其書五車

東屯月夜

抱疾漂萍老防邊舊穀屯春農親異俗歲月在衡門青
女霜楓重黃牛峽水喧泥留虎鬬跡月挂客愁村喬木
澄稀影輕雲倚細根數驚聞雀噪暫睡想猿蹲日轉東
方白風來北斗昏天寒不成寐無夢寄歸魂

東屯北崦

夢弼曰崦衣
檢切與崦同

盜賊浮生困誅求異俗貧空村唯見鳥落日未逢人

上句

只是此意
愈覺蕭索

步壑風吹面看松露滴身遠山回白首戰地

有黃塵

夜二首

白夜月休弦燈花半委眠號山無定鹿落樹有驚蟬暫
憶江東鱸兼懷雪下船蠻歌犯星起重覺在天邊

城郭悲笳暮村墟過翼稀甲兵年數久賦歛夜深歸

此歲

晏輸井稅江村人夜歸
不惟少省情事不同

暗樹依巖落明河繞塞微斗斜

人更望月細鵲休飛

茅堂檢校收稻二首

香稻三秋末平田百頃間喜無多屋宇幸不礙雲山御
袂侵寒氣嘗新破旅顏紅鮮終日有玉粒未吾慳

鄭曰
袂古

洽切複
衣也

稻米炊能白秋葵煮復新誰云滑易飽老藉軟俱勻種

幸房州熟苗同伊闕春無勞映渠盍自有色如銀

鄭曰
唐志

房州與夔同屬山南道伊闕河南府縣名黃曰魏
文帝有車渠盍賦又梁陸倕蠡盍銘曰珍逾渠盍

秋野五首

秋野日疏蕪寒江動碧虛繫舟蠻井絡卜宅楚村墟棗

熟從人打葵荒欲自鋤盤飧老夫食分減及溪魚

小事誰不

能道能道者少。洙曰左太冲蜀都賦岷山之精上為井絡注岷山為東井是絡之維

易識浮生理難教一物違水深魚極樂林茂鳥知歸吾

老甘貧病榮華有是非秋風吹几杖不厭北山薇

禮樂攻吾短

謙厚典刑藹然

山林引興長掉頭紗帽側曝背竹

書光

有典有則有興有情

風落收松子天寒割蜜房

幽事楚楚然不寒儉

稀

踈小紅翠駐屐近微香

清遠閒麗少見首尾如此可愛。趙曰竹書謂竹簡書也

遠岸秋沙白連山晚照紅潛鱗輸駭浪歸翼會高風

不輸

及砧響家家發樵聲箇箇同飛霜任青女賜被隔南宮

沫曰後漢藥崧直南宮家貧無被帝聞而嘉之詔大官賜尚書郎已下食并給帷被

身許麒麟畫

矜重

年衰鴛鴦羣大江秋易盛空峽夜多聞

索意非不小苦而氣緊老成上下圓足

逕隱千重石帆留一片雲兒童解

蠻語不必作參軍

沫曰晉郝隆為南蠻參軍上巳日作詩曰奴隅躍清池桓溫問何物荅曰

名魚為奴隅溫曰何為作蠻語隆曰千里投公始得蠻府那得不蠻語也

傷秋

林僻來人少山長去鳥微
高秋收盡扇久客掩柴扉
懶慢頭時櫛艱難帶減圍
將軍思汗馬天子尚戎衣
白蔣風颭脆殷檉曉夜稀
何年減豺虎似有故園歸

洙曰白蔣茭草

也殷檉檉柳也鄭曰殷烏
閑切赤黑色檉丑咸切

雨

山雨不作泥江雲薄為霧
晴飛半嶺鶴風亂平沙樹
明滅洲景微隱見巖姿露
拘悶出門遊曠絕經目趣
消中

日伏枕卧久塵及屨豈無平肩輿莫辨望鄉路兵戈浩
未息蛇虺反相顧悠悠邊月破鬱鬱流年度針灸阻朋
曹糠粃對童孺一命須屈色新知漸成故窮荒益自卑
飄泊欲誰訴虺羸愁應接俄頃恐違迂浮俗何萬端幽
人有高步龐公竟獨往尚子終罕遇宿留洞庭秋天寒
瀟湘素杖策可入舟送此齒髮暮

夢弼曰消中謂渴疾也糠粃非精米也

胡骨切一命小官也洙曰後漢龐德公尚子平俱見逸民傳趙曰宿留音秀溜出漢書謂有所須待也

秋清

高秋蘇肺氣白髮自能梳藥餌憎加減門庭悶掃除杖
藜還客拜愛竹遣兒書十月江平穩輕舟進所如

瞿唐兩崖

三峽傳何處雙崖壯此門入天猶石色穿水忽雲根

雲根

自佳用得
縹緲如畫

猱攫鬚髯古蛟龍窟宅尊義和冬馭近愁畏

日車翻

謂時事。夢弼曰猱乃高切攫厥縛切爾雅猱
善援攫善顧趙曰淮南子注日乘車駕以六龍

義和
為馭

暝

日下四山陰山庭嵐氣侵牛羊歸徑險鳥雀聚枝深正

枕當星劒收書動玉琴半扉開燭影欲掩見清砧

沫曰星劒

劒上有星大也玉琴以玉為琴徽也

雲

龍以瞿唐會江依白帝深終年常起峽每夜必通林收
穫辭霜渚分明在夕岑高齋非一處秀氣豁煩襟

晨雨

小雨晨光內初來葉上聞霧交纔灑地風折旋隨雲暫

起柴荆色輕霑鳥獸羣麝香山一半亭午未全分

夢弼曰夔

州圖經麝香山在州東南一百二十里山出麝香故以為名

天池

鶴曰天池在夔州

天池馬不到嵐壁鳥纔通百頃青雲杪曾波白石中鬱
紆騰秀氣蕭瑟浸寒空直對巫山峽兼疑夏禹功魚龍
開闢有菱芡古今同聞道奔雷黑初看浴日紅飄零神
女雨斷續楚王風欲問支機石如臨獻寶宮九秋驚鴈
序萬里狎漁翁更是無人處誅茅任薄躬

洙曰荆楚歲時記載張騫

乘槎至天河得織女搗機石穆天子傳天子西征至陽紆山河伯馮夷之所居天子沉璧禮焉河伯乃與天子披圖視典以觀天下寶器

卽事

天畔羣山孤草亭江中風浪雨冥冥一雙白魚不受釣
三寸黃甘猶自青多病馬卿無日起窮途阮籍幾時醒
未聞細柳散金甲腸斷秦州流濁涇

洙曰漢書文帝時匈奴大入邊周亞

夫為將軍軍細柳注細柳在長安昆明池南

獨坐二首

竟日雨冥冥雙崖洗更青水花寒落岸山鳥暮過庭煖

老湏燕玉充饑憶楚萍

俗避

胡笳在樓上哀怨不堪聽

希曰

雙崖謂瞿唐兩崖也趙曰古詩云燕趙多佳人美者顏如玉待燕玉而煖則孟子所謂七十非人不煖也楚萍

注見前卷

白狗斜臨北黃牛更在東峽雲常照夜江日會兼風曬

藥安垂老

五字有味

應門試小童

閒趣有商畧

亦知行不逮苦恨

耳多聾

洙曰白狗黃牛並峽名

雨四首

微雨不滑道斷雲踈復行紫崖奔處黑白鳥去邊明

清輕

道盡秋日新霑影寒江舊落聲柴扉臨野碓半濕搗香秔

江雨舊無時天晴忽散絲暮秋霑物冷今日過雲遲上
馬迴休出看鷗坐不辭高軒當灑潏潤色靜書幃

物色歲將晏天隅人未歸朔風鳴淅淅寒雨下霏霏多
病久加飯衰容新授衣時危覺凋喪故舊短書稀

楚雨石苔滋京華消息遲山寒青兕叫江晚白鷗飢神

女花鈿落鮫人織杼悲繁憂不自整終日灑如絲

精意
洙

曰神女鰲
人注見前

反照

反照開巫峽寒空半有無
已低魚復暗不盡白鹽孤荻

岸如秋水松門似畫圖
牛羊識童僕既夕應傳呼

希曰魚復

浦白鹽山也沫
曰松門亦地名

向夕

畎畝孤城外江村亂水中
深山催短景喬木易高風

意境

圓靜鶴下雲汀近雞栖草屋同
琴書散明燭長夜始堪終

大曆二年九月三十日

為客無時了悲秋向夕終瘴餘夔子國霜薄楚王宮草
敵虛嵐翠花禁冷藥紅年年小搖落不與故園同

十月一日

大曆二年冬夔州鶴曰按是
年秋吐蕃入寇京師戒嚴

有瘴非全歇為冬亦不難夜郎溪日暖白帝峽風寒蒸
裹如千室焦糖幸一棹茲辰南國重舊俗自相歡

洙曰
夜郎

西南夷也捷為有夜郎溪蒸裹
焦糖夔俗之節物也棹與盤同

戲作俳諧體遣悶二首

異俗吁可怪斯人難並居家家養烏鬼

養字去聲最怪決無用養字代

供字之理且烏蠻鬼稱烏鬼亦可乎

鵲鵲自是頓頓食黃魚舊識難為態新知

已暗踈

新知漸熟漸厭未能遽舍其形容世態深得心髓識事之餘倍覺語味

治生且耕

鑿只有不關渠

賴此事不關渠耳。沈存中筆談峽中入謂鵲鵲為烏鬼以繩繫其頸使之捕

魚得魚則倒提出之苕溪胡仔曰余觀諸公詩話烏鬼之說有四曰鵲鵲曰豬曰烏野神曰烏蠻鬼其曰鵲鵲

者見沈存中筆談其曰豬者見漫叟詩話云川人每呼豬則作烏鬼聲故號豬為烏鬼其曰烏野神者見蔡寬

夫詩話引元微之江陵詩云病賽烏稱鬼巫占瓦代龜則養字讀為供養之養其曰烏蠻鬼者見冷齋夜話云

川峽路民多供事烏蠻鬼以臨江故頓頓食黃魚耳俗人不解便作養畜字讀余嘗細考其說沈以為鵲鵲者

是也鮑曰爾雅注鱣魚中黃而大者長二三丈江東人呼為黃魚

西歷青羌坂南留白帝城於菟侵客恨粃粃作人情裏蒸

如千室尚有少意謂送者縱橫似家家如此至粃粃作人情則理矣瓦卜傳神語畬田費

火聲是非何處定高枕笑浮生

公自注項歲自秦涉隴從同谷縣出遊蜀留滯

於巫山也。鄭曰水經注江水徑巫峽過青羌坂洙曰左傳楚人謂虎於菟蒼舒曰宋玉招菟粃粃蜜餌有饅饅些注粃粃以蜜和米麵煎作之粃奇舉切粃音汝夢符曰元微之詩病賽烏稱鬼巫占瓦代龜注云南人染病競賽烏鬼楚巫列肆悉賣瓦卜又神龍中西京壽安縣墨石山神祠頗靈前有兩瓦子過客投之於卜休咎仰為吉覆為凶洙曰聲一作耕

史記火耕水耨畬田注見前

從驛次草堂復至東屯二首

鶴曰按是年秋公自東屯又歸襄西此復

至東屯蓋

冬初也

峽裏歸田客江邊借馬騎非尋戴安道似向習家池山
險風烟合天寒橘柚垂築場看歛積一學楚人為

短景難高卧衰年強此身山家蒸栗暖野飯射麋新世
路知交薄門庭畏客頻牧童斯在眼田父實為鄰

暫往白帝復還東屯

復作歸田去猶殘穫稻功築場憐穴蟻拾穗許村童落

杵光輝白除芒子粒紅加飡可扶老倉庾慰飄蓬

刈稻了詠懷

稻穫空雲水川平對石門寒風踈草木旭日散雞豚野

哭初聞戰樵歌稍出村無家問消息作客信乾坤

初聞其戰

後見野哭而已五字悲甚稍字尤蕭索可憐結意沉著非託之悠悠者

柳司馬至

有客歸三峽相過問兩京函關猶自將渭水更屯兵設
備邯鄲道和親邏遼城幽燕惟鳥去商洛少人行衰謝

身何補蕭條病轉嬰霜天到宮闕

此謂霜天寒迴直到宮闕

戀主寸

心明

夢弼曰唐志惠州有卽縣屬河北漢書北走卽鄆道脩可曰邏逆吐蕃都城名也按姑蘇及蜀本

杜詩作邏逆惟歐陽文忠公本作邏些當是從舊史為正鄭曰邏功佐切逆四箇切

自平

自平宮中呂太一收珠南海千餘日近供生犀翡翠稀

復恐征戍干戈密蠻溪豪族小動搖世封刺史非時朝

蓬萊殿裏諸主將才如伏波不得驕

東坡志林杜子美詩云自平宮中呂

太一世莫曉其義而妄者至以為唐時有自平宮偶讀玄宗實錄有宮中呂太一叛於嶺南杜詩蓋云自平宮

中呂太一故下文有南海收珠之句見書不廣而以意
改文字鮮不為人所笑也鶴曰按舊史廣德元年冬宦
官廣州市舶使呂太一逐刺史張沐而反又按唐志嶺
南道厥貢金銀孔雀犀象珠曰時溪洞蠻酋歸順者皆
世授刺史師曰漢
馬援為伏波將軍

久雨期王將軍不至

天雨蕭蕭滯茅屋空山無以慰幽獨銳頭將軍來何遲
令我心中苦不足數看黃霧亂玄雲時聽嚴風折喬木
泉源泠泠雜猿狖泥濘漠漠飢鴻鵠歲暮窮陰耿未已
人生會面難再得憶爾腰下鐵絲箭射殺林中雪色鹿

前者坐皮因問毛知子歷險人馬勞異獸如飛星宿落
應弦不礙蒼山高安得突騎只五千岸然眉骨皆爾曹
走平亂世相催促一豁明主正鬱陶憶昔范增碎玉斗
未使吳兵著白袍昏昏闔闔閉氛祲十月荆南雷怒號
洙曰漢高祖見項羽於鴻門間行趨灞上留張良以玉斗
獻范增增拔劍撞而碎之夢弼曰南史侯景令東吳兵
盡著白袍自為營陣
趙曰闔闔吳門名也

虎牙行

公自注虎牙灘名也蕭銑替江陵
日屯兵于此後常為屯戍之地

秋風歔吸吹南國天地慘慘無顏色洞庭揚波江漢迴

虎牙銅柱皆傾側巫峽陰岑朔漠氣峯巒窅窕窈窕谷黑
杜鵑不來猿猱寒山鬼幽憂雪霜逼楚老長嗟憶炎瘴
三尺角弓兩斛力

謂秋風筋勁也

壁立石城橫塞起金錯旌竿

滿雲直漁陽突騎獵青丘犬戎鎖甲聞丹極八荒十年

防盜賊征戍誅求寡妻哭遠客中宵淚霑臆

沫曰銅柱難名在涪

陵青丘內地屬洛陽鶴曰聞字一作
圍八荒十年防盜賊上疑有脫句

寫懷二首

勞生共乾坤何處異風俗冉冉自趨競行行見羈束無

貴賤不悲無富貧亦足萬古一骸骨鄰家遞歌哭鄙夫
到巫峽三歲如轉燭全命甘留滯忘情任榮辱朝班及
暮齒日給還脫粟編蓬石城東采藥山北谷用心霜雪
間不必條蔓綠非關故安排曾是順幽獨達士如弦直
小人似鈎曲曲直吾不知負暄候樵牧

寫得甚恨。趙
曰朝班公自叙

嘗為朝官也鶴曰按虎牙行云壁立石城橫塞起觀舞
劍器行云瞿唐石城草蕭瑟則石城乃夔州地名也洙
曰謝靈運詩居常以待終處順故安排後
漢童謡云直如弦死道邊曲如鈎封公侯

夜深坐南軒明月照我膝驚風翻河漢梁棟已出日羣

生各一宿飛動自儔匹吾亦驅其兒營營為私實天寒
行旅稀歲暮日月疾榮名忽中人世亂如蟻蝨古者三
皇前滿腹志願畢胡為有結繩陷此膠與漆禍首燧人
氏厲階董狐筆君看燈燭張轉使飛蛾密放神八極外
俛仰俱蕭瑟終契如往還得匪合仙術洙曰宋玉九辨薄寒之中人中
竹仲切夢弼曰燧人氏始鑽木取火炮生為熟董狐古之良史也書法不隱洙曰燧人火化而爭欲之心生董
狐直筆而是非之端起故以為禍首厲階也終契如往還一作終然契如真

觀公孫大娘弟子舞劍器行

并序

大厯二年十月十九日夔州別駕元特宅見臨穎李
十二娘舞劒器壯其蔚跂問其所師曰余公孫大娘
弟子也開元三載余尚童稚記於郾城觀公孫氏舞
劒器渾脫瀏灑頓挫獨出冠時自高頭宜春梨園二
伎坊內人洎外供奉曉是舞者聖文神武皇帝初公
孫一人而已玉貌繡衣況余白首今茲弟子亦匪盛
顏既辨其由來知波瀾莫二撫事慷慨聊為劒器行
昔者吳人張旭善草書書帖數常於鄴縣見公孫大

娘舞西河劍器自此草書長進豪蕩感激即公孫可

知矣

子美以詩為散語故意多頓促此序引張
顓草書隱映頗達情態非公不聞此妙

昔有佳人公孫氏一舞劍器動四方觀者如山色沮喪
天地為之久低昂燿如羿射九日落矯如羣帝驂龍翔
來如雷霆收震怒罷如江海凝清光

名狀得意。收字
謂其猶隱隱有聲

也但舞一劍若謂其
如雷如霆則非矣

絳脣珠袖兩寂寞晚有弟子傳芬

芳臨穎美人在白帝妙舞此曲神揚揚與余問荅既有以
感時撫事憎惋傷先帝侍女八千人公孫劍器初第一

五十年間似反掌風塵瀕洞昏王室梨園弟子散如煙
女樂餘姿映寒日金粟堆南木已拱瞿唐石城草蕭瑟
玳筵急管曲復終樂極哀來月東出老夫不知其所往

足繭荒山轉愁疾

濃至慘黯如野笛中斷聞者猶不堪也。鄭曰燿音鵠灼也。洙曰淮南子

堯時十日並出堯令羿射中九日日烏皆死墜其羽翼
夢弼曰臨潁縣屬許州洙曰唐紀玄宗親拜五陵至睿
宗橋陵見金粟山岡有龍盤鳳翥之勢謂侍臣曰吾千
秋萬歲後宜葬此左傳爾墓之木拱矣趙曰足繭足胝
也如繭也

有歎

公自注傳蜀官
軍自圍普還

壯心久零落白首寄人間天下兵常鬪江東客未還

自蜀

歸皆可窮猿號雨雪老馬望關山武德開元際蒼生豈

重攀

洙曰武德高祖年號開元明皇年號

寒雨朝行視園樹

柴門擁樹向千株丹橘黃甘此地無江上今朝寒雨歇
籬中秀色盡屏紆桃蹊李徑年雖故梔子紅椒艷復殊
鏤石藤梢元自落倚天松骨見來枯林香出竇垂將盡
葉蒂辭枝不重蘇愛日恩光蒙借貸清霜殺氣得憂虞

衰顏動覓藜牀坐緩步仍須竹杖扶散騎未知雲閣處

啼猿僻在楚山隅

洙曰晉潘岳秋興賦余以太尉掾寓直于散騎之省高閣連雲陽景罕曜

夙興晏寢匪遑底寧於是慨然而賦

白鳧行

君不見黃鵠高於五尺童化為白鳧似老翁

體謠

故畦遺

穗已蕩盡天寒歲暮波濤中鱗介腥膻素不食終日忍

飢西復東魯門鷄鵠亦蹭蹬聞道如今猶避風

夢弼曰國語海

鳥鵠鵠止於魯東門外展禽曰今茲海其有災乎夫廣州之鳥獸常知避其災是歲海多大風

冬至

年年至日長為客忽忽窮愁泥殺人江上形容吾獨老
天涯風俗自相親杖藜雪後臨丹壑鳴玉朝來散紫宸
心折此時無一寸路迷何處見三秦

洙曰漢書項羽三分關中王秦三降

將章邯為雍王都廢丘司馬欣為塞王都櫟陽董翳為翟王都高奴故曰三秦

舍弟觀赴藍田取妻子到江陵喜寄三首

汝迎妻子達荊州消息真傳解我憂鴻鴈影來連峽內
鵲鵲飛急到沙頭曉關險路今虛遠禹鑿寒江正穩流

朱紱即當隨綵鷁青春不假報黃牛

希曰沙頭亦地名在江陵脩可曰漢

書峽關注在洛北藍田之南今以觀赴藍田故云洙曰郭璞江賦巴東之峽夏后䟽鑿

馬度秦山雪正深北來肌骨苦寒侵他鄉就我生春色

故國移居見客心歡劇提攜如意舞喜多行坐白頭吟

巡簷索共梅花笑冷蘂踈枝半不禁

洙曰歡劇一作刺欲王戎好好如意舞

文君作白頭吟

庾信羅含俱有宅春來秋去作誰家短牆若在從殘草

喬木如存可假花

此若在如存皆書札語

卜築應同蔣詡徑為園

須似邵平瓜比年病酒開涓滴

甚真

弟勸兄酬何怨嗟

黃曰

庾信因侯景之亂自建康遁歸江陵居宋玉故宅宅在城北三里羅舍為桓溫別駕以解舍喧擾於江陵城西三里小洲上立茅屋而居洙曰三輔決錄蔣詡舍中竹下開三徑惟羊仲求仲從之遊漢書邵平故秦東陵侯貧種瓜長安城東

別李義

神堯十八子十七王其門道國洎舒國實惟親弟昆
中外貴賤殊余亦忝諸孫丈人嗣王業之子白玉溫道國
繼德業請從丈人論丈人領宗卿肅穆古制敦先朝納

諫諍直氣橫乾坤子建文章壯河間經術存溫克富詩
禮骨清慮不喧洗然遇知己談論淮湖奔憶昔初見時
小襦繡芳蓀長成忽會面慰我久疾魂三峽春冬交江
山雲霧昏正宜且聚集恨此當離樽莫怪執盃遲我衰
涕唾煩重問子何之西上岷江源願子少干謁蜀都足
戎軒誤失將帥意不如親故恩少年早歸來梅花已飛
翻努力慎風水豈惟數盤飧猛虎卧在岸蛟螭出無痕王
子自愛惜老夫困石根生別古所嗟發聲為爾吞

鮑曰
高祖

二十三子道王元慶舒王元明衛懷王玄霸楚哀王智雲先薨太子建成巢王元吉以事誅除籍故此止言十八子而太宗有天下十七子封王也趙曰中外貴賤殊余亦忝諸孫詳詩意李義當是道國之裔孫而公則裔國後裔之外孫也丈人又指李義之父嘗為宗正卿馬曰古制敦謂敦厚宗族也洙曰曹植字子建魏文帝弟也河間獻王德漢景帝子也趙曰賈誼過秦論寒者利短褐注云小襦也

送高司直尋封閬州

丹雀銜書來暮棲何鄉樹驂騑事天子辛苦在道路司直非冗官荒山甚無趣借問泛舟人胡為入雲霧與子姻婭間既親亦有故萬里長江邊邂逅一相遇長卿消

渴再公幹沉綿屢清談慰老夫開卷得佳句時見文章
士欣然淡情素伏枕聞別離疇能忍漂寓良會苦短促
溪行水奔注熊羆咆空林游子慎馳驚西謁巴中侯艱
險如跬步主人不世才先帝常特顧拔為天軍佐崇大
王法度淮海生清風南翁尚思慕公宮造廣厦木石乃
無數初聞伐松栢猶卧天一柱我病書不成成字讀亦

誤為我問故人勞心練征戍

趙曰尚書中候曰赤雀丹書入豐止于昌前昌拜稽

首受之列子周穆王駕八駿之乘右服騂騶驅馳千里
鶴曰司直大理寺官也洙曰漢司馬長卿病渴魏劉公

幹詩余嬰沉痾疾竄身清漳濱巴中指閬州主人謂巴
中侯也希曰漢天文志有羽林天軍唐兵志則有天武
健兒神武天騎其以此為天軍耶趙曰言淮海則必嘗
官於揚州等處也希曰南翁即如項羽傳所謂南公也
趙曰左傳構其公宮猶卧天一柱則因以美封閬州也
神異經崑崙有銅柱其高入天所謂天柱也故人即是
指封
閬州

錦樹行

今日苦短昨日休歲云暮矣增離憂霜凋碧樹作錦樹
萬壑東逝無停留荒戍之城石色古東郭老人住青丘
飛書白帝營斗粟琴瑟几杖柴門幽青草萋萋盡枯死

天驥跛足隨羗牛自古聖賢多薄命姦雄惡少封公侯
故國三年一消息終南渭水寒悠悠五陵豪貴反顛倒
鄉里小兒狐白裘生男墮地要膂力生女富貴傾邦國
莫愁父母少黃金天下風塵兒亦得

夔後語言多亂雜有適當然者當通

前後看○夢弼曰青丘亦地名而非內地屬洛陽者趙曰羗牛蠻中牛也鄭曰羗陵之切又莫褒切生女本又作一

白帝城樓

江度寒山閣城高絕塞樓翠屏宜晚對白谷會深遊急

急能鳴鴈輕輕不下鷗夷陵春色起漸擬放扁舟

夢弼曰夷

陵峽
州也

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀門

鵲晨光起檣烏宿處飛寒江流甚細有意待人歸

趙曰綃縑

也謂天霽之色薄如綃縑曰玉繩星名謝玄暉詩玉繩低建章希曰檣烏謂船檣上刻為烏形以占風也

西閣口號呈元二十一

山木抱雲稠寒江繞上頭雪崖纔變石風幔不依樓社

稷堪流涕安危在運籌看君話王室感動幾銷憂

寄從孫崇簡

嵯峨白帝城東西南有龍湫北虎溪

起亦高

吾孫騎曹不

記馬業學尸鄉多養雞龐公隱時盡室去武陵春樹他

人迷與汝林居未相失近身藥裏酒長攜牧豎樵童亦

無賴莫令斬斷青雲梯

脩可曰世說王子猷為桓沖騎曹參軍桓問曰卿署何曹荅曰不

知何曹時見牽馬來似是馬曹又問所管幾馬曰不知馬何由知數又問馬比死多少曰未知生馬知死劉向

列仙傳祝雞翁洛人也居尸鄉北山下養雞千餘頭皆有名字

奉送卿二翁統節度鎮軍還江陵

鶴曰卿二翁姓崔乃公舅氏

火旗還錦纜白馬出江城嘹唳吟笳發蕭條別浦清寒

空巫峽曙落日渭陽情留滯嗟衰疾何時見息兵

趙曰火旗

朱旗也

白帝樓

漠漠虛無裏連連睥睨侵樓光去日遠峽影入江深臘

破思端綺春歸待一金

春歸待一金可念臘破思端綺非工部全集孰謂此語堪解乎

去年梅柳意還欲攬邊心

趙曰睥睨城上女牆也洙曰古詩客從遠方來遺我一端

綺

夜歸

夜來歸來衝虎過

非癡非狂語

山黑家中已眠卧傍見北斗

向江低仰看明星當空大庭前把燭嗔兩炬峽口驚猿
聞一箇白頭老罷舞復歌杖藜不睡誰能那

夜聞簫簟

師曰樂部曰簫簟者茄管也卷蘆葉為頭截竹為管出於胡地唐編八箇薄名

為茄管通典曰簫簟本名悲慄出於胡中其聲悲東夷有卷桃皮為之者

夜聞簫簟滄江上衰年側耳情所嚮鄰舟一聽多感傷

塞曲三更歎悲壯積雪飛霜此夜寒孤燈急管復風湍

君知天地干戈滿不見江湖行路難

君知干戈如此則不復恨行路矣○

實歷

喟然

前苦寒行二首

漢時長安雪一丈牛馬毛寒縮如蝟楚江巫峽冰入懷

虎豹哀號又堪記秦城老翁荆揚客慣習炎蒸歲絺綌

玄冥祝融氣或交手持白羽未敢釋

脩可曰西京雜記漢元封中大雪深

一丈野中鳥獸皆死牛馬卷縮如蝟洙曰老翁公自稱也趙曰白羽扇也

去年白帝雪在山今年白帝雪在地凍埋蛟龍南浦縮
寒刮肌膚北風利楚人四時皆麻衣楚天萬里無晶輝
三足之鳥足恐斷義和迭迭將安歸

趙曰淮南子日中有踐鳥注云踐趾

也謂三足鳥也

晚晴

高唐暮冬雪壯哉舊瘴無復似塵埃崖沉谷沒白皚皚
江石缺裂青楓推南天三旬苦霧開赤日照耀從西來
六龍寒急光徘徊照我衰顏忽落地口雖吟詠心中哀

未怪及時少年子揚眉結義黃金臺汨乎吾生何飄零

支離委絕同死灰

意甚悲
語甚澀

復陰

方冬合沓玄陰塞昨日晚晴今日黑萬里飛蓬映天過
孤城樹羽揚風直江濤簸岸黃沙走雲雪埋山蒼兕吼
君不見夔子之國杜陵翁牙齒半落左耳聾

後苦寒行二首

南紀巫廬瘴不絕太古以來無尺雪蠻夷長老怨苦寒

崑崙天關凍應折玄猿口噤不能嘯白鵠翅垂眼流血

安得春泥補地裂

夢弼曰詩南國之紀巫廬二山也崑崙山為天柱崆峒山為天關

晚來江間失大木猛風中夜飛白屋天兵斬斷青海戎殺氣南行動坤軸不爾苦寒何太酷巴東之峽生凌漸

彼蒼迴幹人得知

兩首兩樣作者自然○洙曰本一作江門鶴曰青海戎指吐蕃也

元日示宗武

大曆三年夔州至江陵府作山谷云予謫居黔州畫書子美兩川夔峽諸

詩以遺丹稜楊素翁俾刻之石使大雅之音久湮沒而復盈三巴之耳素翁又欲作高屋廣楹庇此石因請名焉予名之曰大雅堂仍為作記其畧云由杜子美以來四百餘年斯文委地文章之士隨

世所能傑出時輩未有升子美之堂者况室家之
好耶余嘗欲隨偶然會意處箋以數語終以汨沒世
俗初不暇給雖然子美詩妙處乃在無意而意已
至非廣之以國風雅頌深之以離騷九歌安能咀
嚼其意咏闐然入其門耶故使後生輩自求之則
得之深矣使後之登大雅堂者能以余說而求之
則思過半矣彼喜穿鑿者棄其大旨取其發興於
所遇林泉人物草木魚蟲以為遇物皆有所託如
世間商度隱語者則
子美之詩委地矣

汝啼吾手戰吾笑汝身長處處逢正月迢迢滯遠方飄
零還柏酒衰病只藜牀訓諭青衿子名慙白首郎賦詩
猶落筆獻壽更稱觴不見江東弟高歌淚數行

公自注
弟豐在

江左無
消息

又示宗武

覓句新知律攤書解滿床試吟青玉案莫帶紫羅囊假
日從時飲明年共我長應須飽經術已似愛文章十五
男兒志三千弟子行曾參與游夏達者得升堂

老人語
○洙曰

張平子四愁詩美人贈我錦綉段何以報之青玉案晉
謝玄少好佩紫羅香囊叔父安患之而不欲傷其意因
戲賭取之於此遂止
假因絮切休假也

遠懷舍弟穎觀等

陽翟空知處荆南近得書積年仍遠別多難不安居江
漢春風起冰霜昨夜除雲天猶錯莫花萼尚蕭疎對酒
都疑夢吟詩正憶渠舊時元日會鄉黨羨吾廬

鶴曰陽
翟縣屬

許州潁之所在也荆南即江陵
前有舍弟觀取妻子到江陵詩

太歲日

鶴曰按史大厯三年歲次戊申正
月丙午朔則初三日為太歲日也

楚岸行將老巫山坐復春病多猶是客謀拙竟何人閭
闔開黃道衣冠拜紫宸榮光懸日月賜予出金銀愁寂
鴛行斷參差虎穴鄰西江元下蜀北斗故臨秦散地逾

高枕生涯脫要津，天邊梅柳樹相見。幾回新

後山詩話
王摩詰詩

云九天宮殿開闔闔萬國衣冠拜冕旒子美取作五字
云闔闔開黃道衣冠拜紫宸而語益工也鶴曰唐紫宸
正殿名洙曰中候曰榮光出河休氣四塞榮光即五色
也趙曰楚人指蜀江為西江以其從西而下也散地閒
散之地也

喜聞盜賊蕃寇揔退口號五首

鶴曰按史大厯二年吐蕃入寇十月

路嗣恭及吐蕃
戰于靈州敗之

蕭關隴水入官軍，青海黃河卷塞雲。北極轉愁龍虎氣，

西戎休縱犬羊羣。

趙曰蕭關在靈州之傍隴水則指隴州也青海在西即吐蕃之地也

贊普多教使入秦數通和好止煙塵朝廷忽用哥舒將

殺伐虛悲公主親

說舊事。洙曰贊普吐蕃君長也。趙曰開元末金城公主薨吐蕃遣使來

告又因請和明皇不許以哥舒翰節度隴

右翰攻拔石堡城擒其相収九曲故地

崆峒西極過崑崙馳馬由來擁國門逆氣數年吹路斷

蕃人聞道漸星奔

趙曰劉孝標廣絕交論靡不望影星奔

勃律天西米玉河堅昆碧盜最來多舊隨漢使千堆寶

少答胡王萬匹羅

鄭曰唐書西域傳大勃律西與小勃律接夢符曰唐書于闐國有玉河國

人夜視月光盛處必得美

玉趙曰堅昆國出碧盜

今春喜氣滿乾坤南北東西拱至尊大歷三年調玉燭

玄元皇帝聖雲孫

趙曰爾雅四氣和謂之玉燭脩可曰唐以老子為聖注封玄元皇帝師曰

爾雅釋仍孫之子為雲

孫注言輕遠如浮雲

續得觀書迎就當陽居止正月中旬定出三峽

鶴曰

當陽縣屬

江陵府

自汝到荆府書來數喚吾頌椒添諷詠禁火卜歡娛舟
楫因人動形骸用杖扶天旋夔子國春近岳陽湖發日
排南喜傷神散北吁飛鳴還接翅行序密銜蘆俗薄江

山好

無情者不愛

時危草木蘇馮唐雖晚達終覲在皇都

呂氏

童蒙訓云杜詩如雕蟲蒙記憶烹鯉問沉綿不說作賦而說雕蟲不說寄書而說烹鯉不說疾病而說沉綿頌椒添詠詠禁火卜歡娛不說歲節但云頌椒

人日二首

元日到人日未有不陰時冰雪鸞難至春寒花較遲雲

隨白水落風振紫山悲蓬鬢稀疏久無勞比素絲

稀疏久疊

怨有態。蔡條西清詩話云都人劉克窮該典籍嘗與客論云子美人日詩元日至人日未有不陰時人知其一不知其二起就架上取書示客曰此東方朔占書也歲後八日一日為雞二日為狗三日為豕四日為羊五

日為牛六日為馬七日為人八日為穀其日晴主所生之物育陰則災少陵意謂天寶離亂四方雲擾幅裂人物歲歲俱災豈春秋書王正月意耶

此日此時人共得一談一笑俗相看樽前栢葉休隨酒勝裏金花巧耐寒佩劍衝星聊暫拔匣琴流水自須彈

早春重引江湖興直道無憂行路難

趙曰四民月令元日進椒栢酒洙曰

歲時記人日剪綵為花勝以相遺或餽金薄為人勝以像瑞圖之形趙曰伯牙鼓琴志在流水

江梅

梅蘂臘前破梅花年後多絕知春意早最奈客愁何雪

樹元同色江風亦自波故園不可見巫岫鬱嵯峨

庭草

楚草經寒碧庭春入眼濃舊低收葉舉新掩捲牙重步
履宜輕過開筵得屢供看花隨節序不敢強為容

將別巫峽贈南卿兄瀼西果園四十畝

苔竹素所好萍蓬無定居遠遊長兒子幾地別林廬雜
藥紅相對他時錦不如具舟將出峽巡圃念攜鋤正月
喧鶯未茲辰放鷁初雪籬梅可折風榭柳微舒託贈卿

家有

謂卿家所有更贈君此意尤厚

因歌野興踈殘生逗江漢何處狎

樵漁

語自可念○洙曰司馬相如賦浮文鷗注鷗水鳥畫其象於舟首以厭水怪

送大理封主簿五郎親事不合却赴通州主簿前

閬州賢子余與主簿平章鄭氏女子垂欲納采鄭

氏伯父京書至女子已許他族親事遂停

禁嚮去東林趨庭赴北堂風波空遠涉琴瑟幾虛張渥
水出騏驎崑山生鳳凰兩家誠款款中道許蒼蒼頗謂
秦晉匹從來王謝郎青春動才調白首缺輝光玉潤終

孤立珠明得閣藏餘寒坼花卉恨別滿江鄉

題意慙款詩不盡興

○洙曰晉孝武帝為晉陵公主求婚謂王珣曰主婿但如劉真長王子敬便足珣對曰謝混雖不及真長不減子敬未幾帝崩袁山松欲以女妻之珣曰卿莫近禁鬻初元帝始鎮建業公私窘罄每得一豚以為珍膳項上一鬻尤美輒以薦帝時呼為禁鬻故珣因以為戲混竟尚主郝鑒使門生求女婿於王導導令就東廂徧觀子弟門生歸謂鑒曰王氏諸少並佳然聞信至咸自矜持惟一人在東牀坦腹食獨若不聞鑒曰正此佳婿邪訪之乃羲之也遂以女妻之漢書馬生渥洼水中左傳秦晉匹也晉江左以王謝為胄族晉樂廣以女妻衛玠議者以為婦公冰清女婿玉潤

大曆三年春白帝城放船出瞿唐峽久居夔府將

適江陵漂泊有詩凡四十韻

鶴曰詩言舟行所經之地至宜都而止則

此詩作於夷陵也

老向巴人裏今辭楚塞隅入舟翻不樂

言思歸之久得舟則快矣而臨

別不可為情也五字備見反覆殊不用力

解纜獨長吁窄轉深啼狹虛隨亂

浴鳬石苔凌几杖空翠撲肌膚疊壁排霜劒奔泉濺水

珠杳冥藤上下濃淡樹榮枯神女峯娟妙昭君宅有無

曲留明怨惜夢盡失歡娛擺闔盤渦沸欹斜激浪輸風

雷纏地脉冰雪曜天衢鹿角真趨險狼頭如跋胡

公自注鹿

角狼頭
二灘名

惡灘寧變色高卧負微軀書史全傾撓裝囊半

壓濡生涯臨臬兀死地脫斯須不有平川決焉知衆壑

趨乾坤霾漲海雨露洗春蕪鷗鳥牽絲颺龍濯錦紆

落霞沉綠綺殘月壞金樞

奇險坡玉塔微
瀾本出於此

泥笋苞初荻

沙茸出小蒲鴈兒爭水馬燕子逐樯烏絕島容煙霧環

洲納曉晡前聞辨陶牧轉眄拂宜都縣郭南畿好津亭

北望孤勞心依憇息朗詠劃昭蘇意遣樂還笑衰迷賢

與愚飄蕭將素髮汨沒聽洪鑪丘壑曾忘返文章敢自

誣此生遭聖代誰分哭窮途

造次有體

卧疾淹為客蒙恩早

厠儒廷爭酬造化樸直乞江湖
灝瀕險相迫滄浪深可

逾浮名尋已已嬾計却區區
喜近天皇寺先披古畫圖

公自注此寺有晉王右軍書

應經帝子渚同泣舜蒼梧

張僧繇畫孔子十哲形像

朝士兼戎服君王按湛盧
旄頭初倣擾鵠首麗泥塗甲

卒身雖貴書生道固殊
出塵皆野鶴歷塊匪轅駒伊呂

終難降韓彭不易呼

異代同歎

五雲高太甲

太甲欠考注謂以太甲比代宗

繆且六月曠搏扶回首黎元病爭權
將帥誅山林託疲

蒲未必免崎嶇

洙曰神女峯昭君宅注見前左傳鄭子家曰小國之事大國不德則其鹿也鉅

而走險急何能擇詩狼跋其胡謝玄暉詩餘霞散成綺
澄江靜如練夢符曰本草水馬生水中善行如馬亦謂
之海馬蘇曰王粲登樓賦北彌陶牧注陶鄉名江陵縣
西有陶朱家爾雅釋地郊外謂之牧洙曰宜都峽州也
趙曰廷爭酬造化公嘗論房琯不宜廢夢符曰梁張僧
繇嘗於江陵天皇寺栢堂圖盧舍那佛像夜有奇光發
自屋壁又於堂內圖孔子十哲像或謂釋門之內寫素
王之容雖曰神異無方豈可夷夏同貫僧繇笑曰吾誠
偶然安知不利於後人者莫知其旨及後周滅二教梁
為附庸荆楚祠宇莫不毀撤惟天皇寺有宣尼像遂為
國庠時人歎其先覺又嘗於此寺畫龍不即點睛道俗
請之捨錢數萬落筆之後雷雨晦冥忽失龍不知所在
見渚宮故事定功曰屈原九歌帝子降兮北渚注帝子
堯二女也隨舜不返沒於湘水之渚史記舜南狩行死

於蒼梧之野歸葬於江南之九疑洙曰湛盧越王劍名
晉天文志昂為苑頭胡星也書胤征羲和假授天紀鶡
首秦之分野屬雍州趙曰鶡首麗泥塗謂廣德元年長
安陷也洙曰伊呂韓彭謂伊尹呂望韓信彭越也莊子
鵬之徙於南溟也搏扶搖而上者九萬里去以六
月息者也又藹然瘦而不知其所歸可不哀邪

巫山縣汾州唐使君十八弟宴別兼諸公攜酒樂
相送率題小詩留于屋壁

卧病巴東久今年強作歸故人猶遠謫茲日倍多違接
宴身兼杖聽歌淚滿衣諸公不相棄擁別借光輝

鶴曰山谷

詩集有戲題巫山縣用杜子美韻云巴俗深留客吳儂
但憶歸直知難共語不是故相違東縣聞銅臭江陵換

袷衣丁寧巫峽
雨慎莫暗朝暉

春夜峽州田侍御長史津亭留宴得筵字

北斗三更席西江萬里船
杖藜登水榭揮翰宿春天
白髮須多酒明星惜此筵
始知雲雨峽忽盡下牢邊

鶴曰
峽州

有下
牢戍

敬寄族弟唐十八使君

與君陶唐後盛族多其人
聖賢冠史籍枝派羅源津
在
今最磊落巧偽莫敢親
介立實吾弟濟時肯殺身
物白

諱受玷行高無汙真得罪永泰末放之五溪濱鸞鳳有
鍛翻先儒曾抱麟雷霆霹長松骨大却生筋一失不足
傷念子孰自珍泊舟楚宮岸戀闕浩酸辛除名配清江
厥土巫峽鄰登陸將首途筆札枉所申歸朝跼病肺叙
舊思重陳春風洪濤壯谷轉頗彌旬我能汎中流搪突
鼉獺嗔長年已省施慰此貞良臣

洙曰左傳范宣子曰昔句之祖自虞以上

為陶唐氏在夏為御龍氏在商為豕韋氏在周為唐杜氏晉主夏盟為范氏夢弼曰永泰代宗年號鄭曰水經云武陵有五溪謂雄溪橘溪酉溪瀟溪辰溪沅溪是蠻夷子孫後漢書注云今在辰州界洙曰顏延年詠嵇中散

詩驚翻有時鍛鍛所拜切殘也鶴曰施州為清江
郡趙曰郭璞江賦盤渦谷轉洙曰長年操舟者

泊松滋江亭

鶴曰松滋縣屬江陵府

紗帽隨鷗鳥扁舟繫此亭江湖深更白

凡水深處必黑惟湖光最白非

子美誰能道此

松竹遠還青一柱全應近高唐莫再經

恨無復再經

今宵南極外甘作老人星

洙曰一柱觀在江陵高唐觀在巫峽

行次古城店泛江作不揆鄙拙奉呈江陵幕府諸

公

老年常道路遲日復山川白屋花開裏孤城麥秀邊

闕

見畧濟江元自閤下水不勞牽風蝶勤依槩春鷗懶避船

王門高德業

公自注時陽城郡王衛伯玉為江陵節度使

幕府盛材賢行色

兼多病蒼茫汎愛前

泛泛舟愛向前至江陵息此老病也。兩句字字有意。夢弼曰郡

國志荊州當陽縣東南有麥城沫曰史記箕子過故殷墟作麥秀之歌

乘雨入行軍六弟宅

夢弼曰時杜位為江陵行軍司馬

曙角凌雲罷春城帶雨長水花分塹弱巢燕得泥忙令

弟雄軍佐

公數自稱令弟皆創意傳後可據耳

凡材汚省郎萍漂忍流涕

哀颯近中堂

上巳日徐司錄林園宴集

鬢毛垂領白花藥亞枝紅歌倒衰年廢招尋令節同薄

衣臨積水吹面受和風

老人語別

有喜留攀桂無勞問轉蓬

洙曰潘岳秋興賦班鬢彫以承弁兮素髮颯以垂領劉安招隱士云攀援桂枝兮聊淹留

宴胡侍御書堂

公自注李尚書之芳鄭秘監審同集歸字韻

江湖春欲暮牆宇日猶微閣閣書籍滿輕花絮飛翰

林名有素墨客興無違今夜文星動吾儕醉不歸

洙曰漢揚

雄作長楊賦藉翰林以為主人子墨為客卿以風趙曰翰林以稱鄭李及胡侍御

書堂飲既夜復邀李尚書下馬月下賦絕句

湖月林風相與清殘蹲下馬復同傾

甚得當日之意

又拚野鶴

如雙鬢遮莫鄰雞下五更

嚴有翼藝苑雌黃云遮莫蓋俚語猶言儘教也自唐以來

有之故當時有遮莫你古時五帝何如我今日三郎之說然詞人亦稍有有用之者杜詩云久拚野鶴如雙鬢遮莫鄰雞下五更李太白詩遮莫枝根長百尺不如當代多還往遮莫親姻連帝城不如當代自簪纓

江南逢李龜年

岐王宅裏尋常見崔九堂前幾度聞

公自注崔九即殿中監崔綽○興來

感舊不覺

正是江南好風景落花時節又逢君

鶴曰按史岐王

真率自然

範睿宗子然以開元十四年薨此當是指嗣岐王珍也
洙曰明皇雜錄云天寶中上命宮中女子數百人為梨
園弟子時有馬仙期李龜年賀懷智皆洞知律度龜年
特承顧遇於東都大起第宅後流落江南每遇良辰勝
景為人歌數闋座上聞之莫不掩泣罷酒夢弼曰雲溪
友議明皇樂工李龜年奔迫江潭曾於湖南採訪使筵
上唱紅豆生南國秋來發幾枝贈公多採摘此物最相
思又云清風明月苦相思蕩子從戎十載餘征人去日
慙慙囓歸鴈來時數附書此詞皆王維所作也

南征

春岸桃花水雲帆楓樹林偷生長避地適遠更霑襟老
病南征日君恩北望心百年歌自苦未見有知音

此等不忍

再讀

地隅

江漢山重阻風雲地一隅年年非故物處處是窮途喪

亂秦公子悲涼楚大夫平生心已折行路日荒蕪

宋曰謝靈

運擬魏公子鄴中詩序王粲家本秦川貴公子孫遭亂流寓自傷情多楚大夫屈原宋玉也

歸夢

道路時通塞江山日寂寥偷生惟一老伐叛已三朝

紀事

有情孰不愛

雨急青楓暮雲深黑水遙夢歸歸未得不用楚

辭招趙曰楚地多楓此言南下之景
黑水在鄂杜之間去長安為近

奉送蘇州李二十五長史丈之任

星拆台衡地曾為人所憐公侯終必復經術竟相傳食
德見從事克家何妙年一毛生鳳穴三尺獻龍泉赤壁

浮春暮姑蘇落海邊客間頭最白惆悵此離筵

趙曰晉張華傳

少子璉以中台星拆勸華遜位華不從後竟被誅今以
言李長史之父惜乎無所考洙曰漢成帝時歌謠曰桂
樹華不實黃爵巢其顛故為人所羨今為人所憐左傳
公侯之子孫必復其始漢韋賢父子明經位至丞相易
訟卦六二食舊德貞厲終吉或從王事無成蒙九二子
克家夢符曰南史謝鳳子起宗殊有鳳毛洙曰龍泉楚

王劬名趙曰赤壁言李長史所
經之地蘇州稱姑蘇本山名

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇玉
府標孤映霜蹄去不疑激揚音韻徹籍甚衆多推潘陸
應同調孫吳亦異時北辰徵事業南紀赴恩私卿月昇
金掌王春度玉墀薰風行應律湛露即歌詩天意高難

問人情老易悲樽前江漢閣後會且深期

洙曰後漢章
彪議曰求忠

臣必於孝子之門孫季昭示兒編云杜詩中多有反經
史字音論語磨而不磷力刃切公暮春送馬太卿曰此

道未磷緇別崔湜曰但取不磷緇皆作平聲趙曰潘陸謂潘岳陸機洙曰孫吳謂孫武吳起書卿士惟月趙曰金掌謂承露仙人掌此譬其近於顯要也王春度玉墀言其以春時詣天子之丹墀也詩湛露天子燕諸侯也

暮春陪李尚書李中丞過鄭監湖亭泛舟得過字

鶴曰湖亭

在峽州

海內文章伯湖邊意緒多玉樽移晚興桂楫帶酣歌春日繁魚鳥江天足芰荷鄭莊賓客地衰白遠來過

蠶穀行

天下郡國向萬城無有一城無甲兵焉得鑄甲作農器

一寸荒田牛得耕
牛盡耕田蠶亦成
不勞烈士淚滂沱
男穀女絲行復歌

三絕句

前年渝州殺刺史
今年開州殺刺史
羣盜相隨劇虎狼

食人更肯留妻子

師曰步將吳璘殺渝州刺史劉卞以反杜鴻漸討平之又部卒崔封殺開

州刺史蕭崇之以叛楊子琳討平之鶴曰唐志渝州屬
劍南開州屬山南杜鴻漸平吳璘楊子琳平崔封在大
歷元年與三年學林新編云子美杜鵑詩前四句或者
謂是題下注此論殊非子美又有絕句云前年渝州殺
刺史今年開州殺刺史正
與鵑詩相類自是一格也

二十一家同入蜀唯殘一人出駱谷自說二女齧臂時

迴頭却向秦雲哭

希曰唐志鳳翔府整屋縣有駱谷關西南界入洋州路

殿前兵馬雖驍雄縱暴略與羗渾同聞道殺人漢水上

婦女多在官軍中

師曰時天子命陸璣以三千神策軍彈壓蜀中之亂羗渾謂吐谷渾本西

羗之種也

和江陵宋大少府暮春雨後同諸公及舍弟宴書

齋

渥洼汗血種天上麒麟兒才士得神秀書齋聞爾為

間字

不可解必
同字也

棟華晴雨好綵服暮春宜朋酒日歡會老夫

今始知

誠齋謂此識諸公會不見招雖至猥淺得義外意○洙曰渥洼汗血馬見漢書禮樂志南史徐

陵年數歲家人携以候沙門釋寶誌誌摩其頂曰天上石麒麟也詩朋酒注兩樽曰朋

宇文晁尚書之甥崔或司業之孫尚書之子重泛

鄭監前湖

郊扉俗遠長幽寂野水春來更接連錦席淹留還出浦

葛巾欹側未迴船樽當霞綺輕初散棹拂荷珠碎却圓

不但習池歸酩酊君看鄭谷去黃緣

洙曰謝玄暉詩餘霞散成綺晉山簡

遊習池鄭子真耕
於谷口並註見前

惜別行送向卿進奉端午御衣之上都

大歷三年夏江陵府

作

肅宗昔在靈武城指揮猛將收咸京向公泣血洒行殿
佐佑卿相乾坤平逆胡冥冥隨煙燼卿家兄弟功名震
麒麟閣畫鴻鴈行紫極出入黃金印尚書勲業超千古
雄鎮荊州繼吾祖裁縫雲霧成御衣拜跪題封賀端午
向卿將命寸心赤青山落日江湖白卿到朝廷說老翁

漂零已是滄浪客

趙曰向卿其名無所考鶴曰尚書謂衛伯玉也時為荆南節度江陵尹趙

曰公之遠祖杜預在晉為鎮南大將軍都督荊州諸軍事

夏日楊長寧宅送崔侍御常正字入京探韻得深

字

鶴曰唐志長寧縣屬鎮北大都護府

醉酒揚雄宅升堂子賤琴不堪垂老鬢還對欲分襟天

地西江遠星辰北斗深烏臺俯麟閣長夏白頭吟

洙曰揚雄

有宅一區家素貧嗜酒必子賤治單父彈琴不下堂而單父治御史府名烏臺注見前希曰唐改秘書省為麟閣

夏夜李尚書筵送宇文石首赴縣聯句

夢弼曰李尚書名之

芳字文名或尚書之甥也石首縣屬江陵

愛客尚書重之官宅相賢

甫

酒香傾坐側帆影駐江邊

之芳

翟表郎官瑞鳬看令宰仙

或

雨稀雲葉斷夜久燭

花偏

甫

數語歌紗帽高文擲綵牋

之芳

興饒行處樂離

惜醉中眠

或

單父長多暇河陽實少年

甫

客居逢自出

為別幾淒然

之芳

○

洙曰晉魏舒少孤為外家寧氏所養寧氏起宅相者云當出貴甥外

祖母以盛氏甥小而慧意謂應之舒曰當為外氏成此宅相書羽畎夏翟注翟雉名漢蕭望之為郎有雉數十

常隨車翔集王喬鳧爲安子賤治單父潘岳爲
河陽令並見前注左傳晉侯曰康公我之自出

多病執熱奉懷李尚書之芳

衰年正苦病侵陵首夏何須氣鬱蒸大水淼茫炎海接
奇峯硨兀火雲升思霑道暍黃梅雨敢望宮恩玉井冰

不是尚書期不顧山陰野雪興難乘

山陰野雪反語○
鄭曰暍音謁暑病

也趙曰唐制百官賜冰沫曰漢陳遵每飲賓客輒闔門
取客車轄投井中雖有急終不得去時北部刺史奏事
過遵值其方飲刺史大窮候遵需醉時突人見遵母叩
頭自白當對尚書有期會狀母乃令從後閣出應休理
與公琰書仲孺不辭同產之服孟公不顧尚書之期晉
王子猷居山陰雪夜懷戴安道便乘舟詣之造門不前

而返曰乘興而來興盡而返何必見安道邪

水宿遣興奉呈羣公

魯鈍仍多病逢迎遠復迷耳聾須畫字髮短不勝篋澤國雖勤雨炎天竟淺泥小紅還積浪弱纜且長堤歸路非關北行舟却向西暮年漂泊恨今夕亂離啼童稚頻書札盤飧詎糝藜我行何到此物理直難齊高枕翻星月嚴城疊鼓鞞風號聞虎豹水宿伴鳬鷺異縣驚虛往同人惜解攜蹉跎長汎鷁展轉屢聞雞嶷嶷瑚璉器陰

陰桃李蹊餘波期救涸費日苦輕齋杖策門闌遽肩輿
羽翮低自傷甘賤役誰憇彊幽棲巨海能無釣浮雲亦
有梯勲庸思樹立語默可端倪贈粟困應指登橋柱必
題丹心老未折時訪武陵溪鶴曰澤國字出周禮勤雨
字雖出穀梁傳言不雨者
勤雨也而此乃勤數之義洙曰家語孔子藜羹不糲李
廣傳桃李不言下自成蹊吳周瑜求資糧於魯肅肅家
有兩困米各三千斛肅乃指一困與周瑜成都城北有
昇遷橋司馬相如初西去題其柱曰不乘駟馬車不復
過此橋

江陵望幸

雄都元壯麗望幸歛威神地利西通蜀天文北照秦風

煙含越鳥舟楫控吳人

且悲且喜
倉卒有氣

未枉周王駕終期漢

武巡甲兵分聖旨居守付宗臣早發雲臺仗恩波起涸

鱗鶴曰按史上元元年以江陵府為南都又按廣德元

年吐蕃入寇代宗幸陝以衛伯玉有幹畧可當方面

任大事乃拜荆南節度使意是時代宗有意幸江陵故

公有此作王內翰注云時大駕在蜀然明皇幸蜀時未

以江陵為都也洙曰周穆王肆意遠遊駕八駿之乘漢

武帝南巡至于盛唐注盛唐南郡也景帝時七國反以

誅鼂錯為名錯欲令上自將兵而身居守蕭何漢之宗

臣鶴曰宗臣指郭子儀時代宗幸陝郭子儀旋復京師

帝以子儀為

京城留守

虢國夫人

虢國夫人承主恩，平明上馬入宮門。
却嫌脂粉涴顏色，

淡掃蛾眉朝至尊。

夢弼曰：唐書楊貴妃有姊三人，長封虢國，並承恩出入宮掖。

遣悶

地濶平沙岸，舟虛小洞房。
使塵來驛道，城日避烏樯。
暑雨留蒸濕，江風借夕涼。
行雲星隱見，疊浪月光芒。
螢鑒緣帷徹，蛛絲罥鬢長。

閒冷不厭

哀箏猶凭几，鳴笛竟霑裳。
倚

著如秦贅，過逢類楚狂。
氣衝看劒匣，顏脫撫錐囊。
妖孽

關東臭兵戈隴右瘡時清疑武畧世亂跼文場餘力浮

于海端憂問彼蒼百年從萬事故國耿難忘

趙曰泊船近城日為

城所障故云城日避烏樯此公之巧句也螢鑒者以螢光可以照物也鄭曰冒音畎掛也洙曰賈誼傳秦人家貧子壯則出贅論語楚狂接輿晉張華見劍氣衝牛斗史記平原君曰士之處世譬如錐之處囊中其末立見毛遂曰使遂蚤得處囊中乃穎脫而出非特其末而已謝莊月賦端憂多暇

江陵節度使陽城郡王新樓成王請嚴侍御判官

賦七字句同作

鶴曰節度使衛伯玉也

樓上炎天冰雪生高飛燕雀賀新成碧窓宿霧濛濛濕

朱拱浮雲細細輕杖鉞褰帷瞻具美投壺散帙有餘清

自公多暇延參佐江漢風流萬古情

脩可曰晉羊球登西樓賦云畫棟浮

細細之輕雲朱拱濕濛濛之飛雨王逸少見之愛美竟日洙曰漢宗資為中郎將杖鉞將兵督州郡賈琮為冀州刺史舊典傳車駟駕垂赤帷裳迎於州界及琮之部升車言曰刺史當遠視廣聽糾察美惡何有反垂帷裳以自掩塞乎乃命御者褰之百城聞風震悚祭遵為將軍對酒設樂必雅歌投壺

又作此奉衛王

西北樓成雄楚都遠開山岳散江湖二儀清濁還高下

三伏炎蒸定有無

出語如此江風山月何足陳哉

推轂幾年惟鎮靜

裾終日盛文儒白頭授簡焉能賦愧似相如為大夫

洙曰

漢馮唐傳古者命將跪而推轂曰闡以內寡人制之闡以外將軍制之鄒陽傳公王之門不可曳長裾乎謝惠連雪賦梁王遊於兔園授簡於司馬大夫曰為寡人賦之漢藝文志登高能賦可以為大夫

江邊星月二首

驟雨清秋夜金波耿玉繩天河元自白江浦向來澄映物連珠斷緣空一鏡升餘光憶更漏況乃露華凝

洙曰謝玄

暉詩金波麗鵲玉繩低建章趙曰金波謂月玉繩謂星也洙曰漢志五星如連珠

江月辭風纜江星別霧船雞鳴還曙色鷺浴自晴川歷

歷竟誰種悠悠何處圓客愁殊未已他夕始相鮮

種謂星注

引白榆終但賦雜他語如何見是星月子美詩每有此○洙曰古詩天上何所有歷歷種白榆

舟月對驛近寺

更深不假燭月朗自明船金刹青楓外朱樓白水邊
城烏啼眇眇野鶩宿娟娟皓首江湖客鉤簾獨未眠

舟中

風餐江柳下雨卧驛樓邊結纜排魚網連櫓並米船今
朝雲細薄昨夜月清圓飄泊南庭老祇應學水仙

趙曰鮑照

詩風餐委松栢雲卧恣天行南庭老公自謂也南庭者
猶北地謂之北庭耳鄭曰結字音係出漢書張釋之跪
為王生結韞
注結讀曰係

秋日荆南述懷三十韻

昔承推獎分媿匪挺生材遲暮宮臣忝艱危衮職陪揚
鑣隨日馭折檻出雲臺罪戾寬猶活干戈塞未開星霜
玄鳥變身世白駒催伏枕因超忽扁舟任往來九嶺已
喫火三蟄楚祠雷望帝傳應實昭王問不迴蛟螭深作
橫豺虎亂雄猜素業行已矣浮名安在哉琴鳥曲怨憤

庭鶴舞推頰秋水漫湘竹陰風過嶺梅苦搖求食尾常

曝報恩腮結古防讒柄探腸有禍胎

意甚苦

蒼茫步兵哭

展轉仲宣哀飢籍家家米

公自注籍入聲

愁微處處盃休為貧

士歎任受衆人咤得喪初難識榮枯劃易該差池分組

冕合沓起蒿萊不必伊周地皆登屈宋才漢庭和異域

晉史圻中台霸業尋常體宗臣忌諱災

霸業尋常體謂出孫于外此宗

臣所甚諱也

羣公紛戮力聖慮宵徘徊數見銘鐘鼎真宜法

斗魁願聞鋒鏑鑄莫使棟梁摧盤石圭多剪凶門轂少

推垂旒資穆穆祝網但恢恢赤雀翻然至黃龍不假媒

賢非夢傳野隱類鑿顏坏自古江湖客冥心若死灰

然矯

而止。師曰唐六典注補闕拾遺武后時置取詩衮職有闕惟仲山甫補之之義以名今公正言為拾遺時也

洙曰漢朱雲折檻詳見後折檻行注明帝圖畫功臣於南宮雲臺趙曰廣雅玄鳥燕也洙曰漢魏豹傳人生一

世如白駒之過隙語鑽燧改火漢藥巴嘗啜酒以救蜀火趙曰月令仲秋之月雷乃収聲公以八月在夔在江

陵是見雷之三蟄矣楚祠楚人祠祭也希曰公自入蜀至下峽之年恰是九春其中在夔三年耳洙曰成都記

望帝死其魂化為杜鵑左傳齊桓公以諸侯之師伐楚責以爾貢包茅不入及昭王南征而不復楚子使屈完

對曰貢之不入寡君之罪也昭王南征而不復君其問諸水濱按昭王南征至漢以膠舟故溺死趙曰琴奏烏

夜啼之曲而庭鶴為之舞也沫曰司馬子長報任少卿書猛虎在檻穽之中搖尾而求食秦記龍門魚登者化為龍不登者點額曝腮而返漢書結諫臣之舌又禍生有胎晉阮籍為步兵校尉痛哭逢窮漢末王粲字仲宣以避難流離作七哀詩漢高帝與匈奴結和親之約晉張華傳中台星圻未幾華被害鄭曰宵伊烏切沫曰漢紀高帝王子弟地犬牙相制所謂盤石之宗也史記成王與弟叔虞戲削桐葉為圭曰以此封君夢弼曰淮南子君命將臣辭而行乃瓜鬪設明衣鑿山門而出沫曰馮唐傳古者命將號而推轂曰聞以外將軍制之史記成湯見野張網乃令去其三面祝曰欲左左欲右右不用命乃入吾網老子天網恢恢春秋演孔圖曰鳥化為書孔子奉以告天赤雀集書上化為黃玉趙曰遁甲曰赤雀不見則國無賢注赤雀主銜書陽精也瑞應圖曰黃龍四龍之長也王者不瀉池而漁則應和氣而遊於池洛此皆言祥瑞也夢弼曰淮南子魯君欲相顏闔使

人以幣先焉顧闔鑿坯而遁
揚雄解嘲云士或鑿坯以遁

江漢

江漢思歸客乾坤一腐儒片雲天共遠永夜月同孤落
日心猶壯秋風病欲蘇古來存老馬不必取長途

古今詩話

云楊大年不喜杜詩謂之村夫子有鄉人以杜詩強大
年大年不服因曰公試為我續江漢思歸客一句大年
亦為屬對鄉人曰乾坤一腐儒大年似少屈趙曰韓非
子管仲隰朋從桓公伐孤竹返迷惑失道管仲曰老馬
之智可用也乃放老馬而隨之
遂得道焉公之意蓋以自喻也

遠遊

江闊浮高棟雲長出斷山塵沙連越鴛風雨暗荆蠻鴈

矯銜蘆內猿啼失木間弊裘蘇季子歷國未知還

夢弼曰唐

志越鴛劍南道也洙曰國策蘇秦

字季子說秦王不行黑貂之裘弊

折檻行

鶴曰此詩似為崔旰作也大歷初杜鴻漸入蜀表旰為節度使是年四月旰入朝五

月加檢校左散騎常侍未幾又加檢校工部尚書公蓋深惜當時朝廷無一人敢言者夢弼曰漢成帝時朱雲上書乞斬張禹上怒令御史將雲下雲攀殿檻檻折後當治檻上曰勿易因而輯之以旌直臣故後世殿檻皆曲以雲故也

嗚呼房魏不復見秦王學士時難羨青襟胄子困泥塗

白馬將軍若雷電千載少似朱雲人至今折檻空嶙峋

婁公不語宋公語尚憶先皇容直臣

洙曰房魏房玄齡魏徵也初太宗為

秦王開文學館有十八學士鶴曰青襟胄子謂國子生也書命夔典樂教胄子定功曰魏龐德常乘白馬與關羽戰射羽中額羽軍謂之白馬將軍脩可曰左太冲魏都賦階階嶙峋注高也容齋三筆云杜詩折檻行千載少似朱雲人至今折檻空嶙峋婁公不語宋公語尚憶先皇容直臣此篇專為諫爭而設謂婁師德宋璟也人多疑婁公既無一語何得為直臣錢仲仲云朝有關政或婁公不語則宋公語但師德乃是武后朝人璟為相其亡久矣杜有祭房相國文言羣公間出魏杜婁宋亦併二公稱之詩言先皇謂玄宗也婁氏別無顯人有聲間元間為不可曉

秋日荆南送石首薛明府辭滿告別奉寄薛尚書頌

德叙懷斐然之作三十韻

鶴曰石首江陵屬邑也薛尚書景仙也按史永

泰大厯間吐蕃再遣使者來聘以戶部尚書薛景仙往報

南征為客久西候別君初歲滿歸鳧舄秋來把鴈書荆
門留美化姜被就離居聞道和親入垂名報國餘連枝
不日並八座幾時除往者胡星孛恭惟漢網疎風塵相
瀕洞天地一丘墟殿瓦鴛鴦坼宮簾翡翠虛鉤陳摧徼
道槍鼎失儲胥文物陪巡狩親賢病拮据公時呵猘獠

首唱却鯨魚勢愜宗蕭相材非一范睢

公自注秦拜范睢為客卿卒聽

其謀使五大夫綰伐魏拔懷其相秦也東伐韓少曲高平拔之又以其謀縱反間於趙趙以馬之子代廉頗大破趙於長平皆范睢之謀故以比諸將屍填太行道血走浚儀渠溢口師

仍會函關憤已攄紫微臨大角皇極正乘輿

乘輿平聲如諒閻唐

人多此類賞從頻峨冕殊恩再直廬

公自注公舊執金吾新授羽林前後二將軍

豈惟高衛霍曾是接應徐降集翻翔鳳追攀絕衆狙侍

臣雙宋玉戰策兩穰苴鑒澈勞懸鏡荒蕪已荷鋤嚮來

披述作

公自注石首處見公新文一卷

重此憶吹噓白髮甘凋喪青雲

亦卷舒經綸功不朽跋涉體何如

公自注公頃奉使和吐蕃已見上

應

訝耽湖橘常餐占野蔬十年嬰藥餌萬里狎樵漁揚子

淹投閣鄒生惜曳裾但驚飛熠燿不記改蟾蜍煙雨封

巫峽江淮畧孟諸

歷落語然不寒窘

湯池雖險固遼海尚填淤

努力輸肝膽休煩獨起予

趙曰西侯秋日也鳧舄指薛明府雁書謂明府得薛尚書

音問也

注曰漢姜肱兄弟三人友愛嘗同被而寢唐以

六尚書左右僕射合為八座趙曰胡星指言祿山也洙

曰鄴都銅雀臺皆鴛鴦瓦西京雜記有翡翠簾趙曰魏

文帝夢殿屋兩瓦墜地化為鴛鴦洙曰班孟堅西都賦

周以勾陳之位又徽道綺錯揚雄長楊賦木擁槍纍以為儲胥注槍纍作木槍相纍為柵也纍力軌切儲胥言

儲蓄以待所須也又儲胥館名鄭曰猓烏點切猓翼乳切獸名趙曰左傳取其鯨鯢而封之以為京觀夢弼曰漢書蕭何為一代之宗臣此以北郭令公洙曰太行山在河北浚儀渠汴河也夢弼曰滏扶甫切光黃之間水名言尚書公督諸郡節度兵會於滏口也洙曰晉天文志大角星名天王座也左傳晉侯賞從亡者夢弼曰以漢衛青霍去病比其武功以魏應德璉徐公幹比其文學也趙曰翔鳳喻其兄弟也洙曰衆狙出莊子史記穰苴有司馬兵法談齋詩話云有用文語為詩句者尤工杜云侍臣雙宋玉戰策兩穰苴蓋用如六五帝四三王洙曰湖橋潭州有橋洲也投閣曳裾注見前熠燿螢火也蟾蜍謂月也夢弼曰爾雅十數宋有孟諸注今在梁國此乃公追言梁宋之舊遊也趙曰遼海指幽燕漢志注填淤壅泥也

哭李尚書

之芳鶴曰尚書唐宗室也安祿山奏為范陽司馬祿山反自投歸京師廣德初

使吐蕃被留二年乃得歸拜
禮部尚書改太子賓客薨

漳濱與萬里逝水竟同年欲挂留徐劔猶迴憶戴船

是極

傷痛相知成白首此別間黃泉風雨嗟何及江湖涕泣然

容易沉著修文將管輅奏使失張騫史閣行人在詩家秀句

傳客亭鞍馬絕旅櫬網蟲懸復魄昭丘遠歸魂素漉偏

樵蘇封葬地喉舌罷朝天秋色凋春草王孫若箇邊

洙曰

劉公幹詩余嬰沉痾疾竄身清漳濱田橫門人挽歌二
章薤露蒿里希曰漢書注萬里死人里也洙曰吳季札
聘魯過徐徐君好季札劔口不敢言札心知之為使上
國未獻還至徐徐君已死札乃解其劔繫之冢樹而去

世言顏回卜商為地下修文郎趙曰管輅見魏志方技
傳夢弼曰奉使失張騫謂李之芳廣德間嘗使吐蕃按
公秋日夔府詠懷百韻末云途中非阮籍查上似張騫
亦為李之芳而言也洙曰周禮秋官有大行人小行人
禮記骨肉歸復于土王粲登樓賦西接昭丘注楚昭王
墓也趙曰澹水名在長安潘安仁西征賦地有玄灊素
澹洙曰後漢李固應詔對曰陛下之有尚書猶天之有
北斗斗為天喉舌尚書為陛下之喉舌也劉安招隱王
孫遊兮不歸春
草生兮萋萋

重題

涕灑不能收哭君餘白頭兒童相顧盡宇宙此生浮

然恨

何所
不盡

江雨銘旌濕湖風井逕秋還瞻魏太子賓客減應

劉公自注公歷禮部尚書薨于太子賓客。洙曰蕪城賦歌曰邊風起兮城土寒井運滅兮丘隴殘趙曰魏文帝為太子時應瑒劉楨並見友善洙曰文帝與吳質書昔年疾疫親故罹其灾徐陳應劉一時俱逝痛可言耶

獨坐

悲秋回白首倚杖背孤城江斂洲渚出天虛風物清滄溟服衰謝朱紱負平生仰羨黃昏鳥投林羽翮輕

洙曰本一

作滄溟恨衰謝趙曰公為尚書郎賜緋矣故云朱紱

哭李常侍嶧二首

一代風流盡修文地下深斯人不重見將老失知音是自

感短日行梅嶺寒山落桂林長安若箇畔猶想映貂金

猶有餘韵。趙曰短日行梅嶺寒山落桂林言李常侍之觀自廣南來也梅嶺今南安軍桂林今靜江府鶴曰唐志左右散騎常侍隸門下中書省皆金蝉珥貂

青瑣陪雙入銅梁阻一辭風塵逢我地江漢哭君時可痛

次第尋書札呼兒檢贈詩對假發揮王子表不愧史臣詞

洙曰青瑣謂省中門也銅梁蜀中縣名定功曰前漢書有王子侯表李長侍乃宗室之子也

宴王使君宅題二首

漢主追韓信蒼生起謝安吾徒自飄泊世事各艱難逆

旅招邀近他鄉意緒寬不才甘朽質高卧豈泥蟠

洙曰漢高

帝入關諸將道亡者數十人蕭何聞韓信亡自追之晉謝安桓溫請為司馬將發高嵇戲之曰卿屢違朝旨高卧東山諸人每相與言安石不出將如蒼生何楊子龍蟠于泥

汎愛容霜鬢留歡卜夜關自吟詩送老相勸酒開顏戎馬今何地鄉園獨在山江湖墮清月酩酊任扶還

又客

羈旅知交態淹留見俗情衰顏聊自哂小吏最相輕去

國哀王粲傷時哭賈生狐狸何足道豺虎正縱橫

漢書

翟公書其門曰一貧一富乃知交態漢末西京擾亂王粲去而依劉表於荊州賈誼文帝時上政事疏云可為痛哭者一張綱傳豺狼當路安問狐狸

集千家註杜工部詩集卷十八

謹案第四頁前六行蠻歌犯星起刊本起訛夜據
仇兆鰲本改

第五頁後四行藥崧直南宮刊本藥崧出據出據
後漢書改

第十一頁後五六行粃粃密餌有餒餒些刊本粃
訛粗餒餒訛銀餒據楚辭改

第十九頁前三行馬度秦山雪正深刊本雪訛雲
據全唐詩改

第二十頁後一行舒王元明刊本明訛名據唐書

改

第二十一頁後八行琴瑟几杖柴門幽刊本幽訛

憂據仇兆鰲本改


第二十二頁後五行檣烏宿處飛刊本飛訛非據

仇兆鰲本改

第二十八頁前七行青海黃河卷塞雲刊本海訛

溪據仇兆鰲本改

第五十二頁後二行此以比郭令公刊本郭訛郎
據唐書改



總校官庶吉士臣張能照
校對官檢討臣王坦修
謄錄監生臣王錫壽